



蜀秀集卷五

讀鵝冠子

楊銳

惜分陰齋訂

漢志道家者流。鵝冠子一篇。韓愈讀鵝冠子。稱十六篇。晁公武讀書志。作十五篇。陸佃鵝冠子解。凡十九篇。姚際恆偽書攷。又言有三十六篇。隋志不言篇數。但云三卷。新舊唐書志。宋史志。通攷。崇文總目。皆然。獨王應麟玉海分四卷。起博選。訖學問。今本學問篇。後尚有世賢。天權。能天。武靈。王四篇。不知玉海遺之。或移第在前。不可攷矣。柳宗元辯鵝冠子曰。余讀賈蜀秀集。卷五。壹。

誼鵬賦。嘉其辭。而學者以爲盡出鵝冠子。余往來京師。求鵝冠子。無所見。至長沙。始得其書。讀之。盡鄙淺言也。唯誼所引用。爲美。餘無可者。陳振孫書錄解題曰。韓公頗道其書。而柳以爲盡淺陋言。自今攷之。柳說爲長。今按退之讀此書。所稱但四稽五至。及中流失船。一壺千金等語。皆閱歷世故之說。韓公偶取其詞。有感而然。本非篤論。柳州以下。盡疑其僞。失古書年久闕佚。事勢之常。從未聞閱世愈久。篇章愈增者。況漢以前。著之竹帛。卷軸不能過重。後世刊版。日趨簡便。宜古書多篇。今合爲一篇。而不應古人一篇而合反。

析爲十餘篇也。且是書志列道家而今本惟夜行泰
鴻泰錄世兵天權能天等篇尙合老莊宗旨。餘若博
選王鈇近迭環流備知度萬諸篇往往出入於儒墨
縱橫兵法陰陽之間兼九流有之而又不類呂覽淮
南之以雜家名者其爲後人掇拾而成已無可疑如
博選篇云賢聖者以博選爲本者也博選者以五至
爲本者也故北面而事之則伯己者至先趨而後息
先問而後默則什己者至人趨己趨則若己者至憑
几據杖指麾而使則厮役者至樂嗟苦咄則徒隸之
人至矣故帝者與師處王者與友處亡主與徒處語

蜀秀集 卷五

式 文有上

出戰國策及賈誼新書戰國策燕策郭隗先生曰帝

與臣處亡國與役處誦指而後事之北面而受學則百
己者至先趨而後息先問而後嘿則什己者至人趨
己趨則若己者至馮几據杖胝視指使則厮役之人
至若恣睢奮擊响藉叱咄則徒隸之人至矣此古服
道致士之法也王誠博選國中之賢者而朝其門下
天下聞王朝其賢臣天下之士必趨於燕矣新書
官人篇故與師爲國者帝與友爲國者王與大臣爲
國者霸與左右爲國者彊與侍御爲國者若存若亡
與厮役爲國者亡可立待也故德萬人者謂之雋德千人者謂之
豪德百人者謂之英語出文子淮南子及春秋繁露

文子上禮篇智過萬人者謂之英千人者謂之雋百

人者謂之傑十人者謂之豪淮南子秦族訓智過
萬人者謂之英千人者謂之俊百人者謂之豪十人
者謂之傑春秋繁露爵國篇故萬人者曰英千人
者曰俊百人者曰豪著希篇云文禮之野與禽獸同則
傑十人者曰豪

言語之暴與蠻夷同謂語出韓詩外傳韓詩外傳君子太心條下

其肢體之序與禽獸同節言語之暴與蠻夷不殊又愛由情出條下今夫肢體之序與禽獸同節言語

之暴與蠻夷不殊夜行篇云月刑也日德也語出淮南子

子天文訓曰隨而不見其後迎而不見其首成功遂

為德月為刑事莫知其狀語出老子

老子弟十四章迎之不見其首隨之不見其後

又弟十七章功成事遂百

姓皆謂我自然芴乎芒乎中有象乎芒乎芴乎中

有物乎芴乎冥乎中有精乎語出老子莊子淮南子

老子第二十一章忽兮恍兮其中有像恍兮忽兮其中有物芴兮冥兮其中無精

莊子無從出乎芴乎芒乎而無有象乎淮南子道應訓芴兮冥兮其中有精

故聖人貴夜行語出管子文子淮南子

蜀秀集 卷五

行者心行也文子精誠篇唯夜行者能有之

淮南子覽冥訓惟夜行者為能有之又繆稱訓夫察

所夜行周公慙乎景故君子慎其獨也

天則篇云聖王者有聽疑決微

之道能屏讒權實逆淫辭絕流語去無用杜絕芻蕘

之門語出淮南子淮南子覽冥訓夫聖人者不能生

時時至而弗失也輔佐有能黜讒侯之端息巧辨之說除刻削之法去煩苛之事屏流

言之迹塞芻蕘之門案此條語雖不合而意旨極

相類月毀於天珠蛤贏蚌虛於深渚語出呂氏春秋

淮南子呂氏春秋精通篇月望則蚌蛤實羣陰盈月晦

而魚腦滅月死而羸蠅膳為成求得者事之所期也語出管子

立政篇為之而成求之而得上天居高而耳卑語出

呂氏春秋賈誼新書呂氏春秋制樂篇天之處高而

聽卑新書耳痺篇故曰天之

處高其聽卑。環流篇云：賢者萬舉而一失，不肖者萬舉而

一得。語出史記。史記淮陰侯列傳：臣聞智者千慮而必有一失，愚者千慮必有一得。道

端篇云：富者觀其所予，足以知仁；貴者觀其所舉，足以知忠；觀其大裨，案陸解或作伴亦作詳長不讓少，貴不讓賤。

足以知禮；達觀其所不行，足以知義；受官任治，觀其

去就，足以知智；迫之不懼，足以知勇；口利辭巧，足以

知辯；使之不隱，足以知信；貧者觀其所不取，足以知

廉；賤者觀其所不為，足以知賢；測深觀天，足以知聖

等語。雜出六韜。莊子史記韓詩外傳。六韜選將篇問之以辭以觀其辯，與之閒謀以觀其誠，明白顯

問以觀其德，使之以財以觀其廉，試之以色以觀其

貞，告之以難以觀其勇，醉之以酒以觀其態。莊子列御寇篇：故君子遠使之而觀其忠，近使之而觀其敬，煩使之而觀其能，卒然問焉而觀其忠，急與之期而觀其信，委之以財而觀其仁，告之以危而觀其節，醉之以酒而觀其則，雜之以處而觀其色。史記魏世家：居視其所親，富視其所與，達視其所舉，窮視其所不為，貧視其所不取，五者足以定之矣。韓詩外傳：居則視其所親，富則視其所與，達則視其所舉，窮則視其所不為，貧則視其所不取，五者以定矣。近迭篇云：地大者國實，民眾

者兵強，兵強者先得意於天下。語出史記。史記李斯列傳：臣聞

地廣者粟多，國大者欲知來者察往，欲知古者察今。

語出管子。管子形勢篇：疑今者察度萬篇云：見日月

者不為明，聞雷霆者不為聰。語出孫子。孫子軍形篇：見日月不為明，聞雷霆不為聰。

明目聞雷霆，故其德上及太清，下及泰甯，中及萬靈

不為聰耳。

蜀秀集 卷五 四

四

四

四

膏露降白丹發醴泉出朱草生眾祥具故萬口云帝

制神化景星光潤語出尚書春秋諸緯及文子子華

子淮南子尚書中候景星出翼鳳皇止庭朱草生郊嘉禾孳連甘露潤液醴泉出德春秋感

精符王者上感皇天則鸞鳳至景星見山下淪子地則嘉禾興醴泉出王者化洽于地則朱草生文子

精誠篇故精誠內形氣動於天景星見黃龍下鳳皇至醴泉出嘉穀生子華子北宮意陶篇其次鳳皇

至著龜兆甘露下竹實滿流黃出朱草生淮南子泰族訓故精誠感於內形氣動於天景星見黃龍下

出嘉穀生備知篇云是以鳥鵲之巢可俯而窺也

麋鹿羣居可從而係也語出莊子文子淮南子莊子馬蹄

篇是故禽獸可係羈而游鳥鵲之巢可攀援而闕文子上禮篇飛鳥之巢可俯而探也走獸可係而從也淮南子汜論訓鳥鵲之巢費仲惡來得辛紂之

可俯而探也禽獸可羈而從也費仲惡來得辛紂之

蜀秀集 卷五

利而不知武王之伐之也比于子胥好忠諫而不知

其主之殺案近刻作然之也費仲惡來者可謂知心矣而

不知事比于子胥者可謂知事矣而不知心聖人者

必兩備而後能究一世語出韓非子韓非子說林下篇崇侯惡來知

不適紂之誅也而不見武王之滅之也比于子胥知其君之必亡也而不知身之死也故曰崇侯惡來知

心而不知事比于子胥矣世賢篇云至功之成其下

事而不知心聖人其備矣老子第十七章功成事遂百姓皆謂我自然天權

皆謂之自然語出老子老子第十七章功成事遂百姓皆謂我自然天權

篇云故一蝨嗜膚不寐至旦半糠入目四方弗治語出莊子莊子天運篇夫播糠眯目則天地四招搖在方易位矣蚊虻虻嗜膚則通昔不寐矣

上繕者在下取法於天四時求象春用蒼龍夏用赤

鳥秋用白虎冬用元武語出禮記曲禮能天篇云誠辭者革物者也聖人知其所離淫辭者因物者也聖人知其所合詐辭者沮物者也聖人知其所飾遁辭者請物者也聖人知其所極語出孟子武靈王篇云百戰而勝非善之善者也不戰而勝善之善者也語出孫子孫子謀攻篇是故百戰百勝非善之善者也不戰而屈人之兵善之善者也今或僵尸百萬流血千里而勝未決也語出戰國策戰國策魏策天子之怒伏尸百萬流血千里如此之類不一而足猶曰字句同異之間獨世兵一篇全襲魯仲連遺燕將書賈誼鵬鳥賦而參錯其文惟天不變其常地不易其則二句

蜀秀集 卷五

六 二千八百

出管子管子形勢篇天不變其常地不易其則一目之羅不可以得雀

二句出淮南子淮南子說山訓今為一目之羅則無時得鳥矣又說林訓一目之羅不可以

得鳥執急節短句出孫子孫子兵勢篇故善戰者其勢險其節短動如

雷霆句出管子管子輕重甲篇發若雷霆孫子軍爭篇

動如雷霆淮南子兵略訓又云發如雷霆餘如仲連書云智者不

倍時而棄利勇士不怯死而滅名忠臣不先身而後

君本三句連文茲析置二處曰明將不倍時而棄利

勇士不怯死而滅名欲踰至德之美者其慮不與俗

同案齊策仲連書願公之詳計而無與俗同也史記作願公詳計而無與俗同似為此句所本欲

驗九天之高者行不徑請是以忠臣不先其身而後

其君仲連書云。粟腹以百萬之眾。五折於外。萬乘之國。被圍於趙。壤削主困。爲天下戮。案史記公圍之乎

今燕王方寒心。獨立大臣不可恃。國弊禍多。民無所歸心。今公又以弊聊之民。距全齊之兵。期年不解。是

墨翟之守也。食人炊骨。士無反北之心。是孫臏吳起

之兵也。茲摘取數句。曰寒心孤立。懸命將軍。野戰則

國弊民罷。城守則食人灼骸。計失其國。削主困爲天

下笑。持國計者。可以無詳乎。仲連書云。曹沫爲魯君

將。三戰三北。而喪地千里。使曹子之足不離陳。計不

顧後。出必死。而不生。則不免爲敗軍禽將。案此据齊策原文史

蜀秀集

卷五

七

記魯仲連傳作鄉。使曹子計不反。顧議不還。踵刎頸而死。則亦名不免爲敗軍降將矣。曹子以

敗軍禽將。非勇也。功廢名滅。後世無稱。非知也。故去

三北之恥。退而與魯君計也。曹子以爲遭齊桓公有

天下朝諸侯。曹子以一劍之任。刳桓公於壇位之上。

顏色不變。而辭氣不悖。三戰之所喪。一朝而反之。天

下震動。諸侯驚駭。威信吳楚。名傳後世。又云去忿恚

之心。而成終身之名。除忿恚之恥。而立累世之功。此

仲連借曹沫以諷燕將也。茲陽隱其事。而陰勸其說。

曰曹沫爲魯將。與齊三戰而亡地千里。使曹子計不

顧後。刎頸而死。則不免爲敗軍擒將。曹子以爲敗軍

擒將非勇也。國削名滅，非知也。身死君危，非忠也。夫死人之事者，不能續人之壽，故退與魯君計。桓公合諸侯，曹子以一劍之任，刳桓公墜位之上，顏色不變，辭氣不悖，三戰之所亡，一旦而反，天下震動，四鄰驚駭，名傳後世。夫杖於小愧者，大功不成，故曹子去忿悁之心，立終累之功，棄細忿之愧，立累世之名。案仲連與燕將書，教之叛也，語不得不如此。今此書無爲而發厥義，安在？又下卽接言劇辛爲燕將，與趙戰軍敗，云云，使非新鈔魯仲連書，何以連類而波及於此？作僞日拙，其跡顯然。鵬賦云：水激則旱兮，矢激則遠。

蜀秀集

卷五

八
文
劉
川

萬物迴薄兮，振蕩相轉。此用呂氏春秋淮南子語也。

呂氏春秋去有篇夫激矢則遠，激水則旱。淮南子兵略訓故水激則旱，矢激則遠。茲曰水激

則旱，矢激則遠，精神迴薄，振蕩相轉。鵬賦云：禍兮福

所倚，福兮禍所伏。此用老子文子韓非子呂氏春秋

語也。老子順化章禍兮福之所倚，福兮禍之所伏。文子微明篇禍兮福所倚，福兮禍所伏。韓非

子解老篇福本於有禍，故曰福兮禍之所倚，禍本於有禍，故曰禍兮福之所伏。呂氏春秋制樂篇故禍

兮福之所倚，福兮禍之所伏。鵬賦云：貪夫徇財兮，烈士徇名。又云：泛乎若不繫之舟。茲曰：烈士徇名，貪夫徇財。又曰：至得無私，泛泛

不繫。茲曰：烈士徇名，貪夫徇財。又曰：至得無私，泛泛

不繫。茲曰：烈士徇名，貪夫徇財。又曰：至得無私，泛泛

不繫。茲曰：烈士徇名，貪夫徇財。又曰：至得無私，泛泛

不繫。茲曰：烈士徇名，貪夫徇財。又曰：至得無私，泛泛

乎若不繫之舟。此類猶可云道家語彼此互同。至如鵬賦云禍之與福兮。何異糾纏。茲作禍與福如糾纏。賦云。沕穆無窮兮。何可勝言。茲作變化無窮。何可勝言。賦云。大鈞播物兮。塊軋無垠。茲作塊軋無垠。孰燻得之。賦云。天不可預慮兮。道不可預謀。茲作天不可與謀。道不可與慮。案李善文選注引二句與作預。賦云。小智自私兮。賤彼貴我。茲作小知立趨好惡。自懼。賦云。達人大觀兮。物無不可。茲作達人大觀。乃見其可。賦云。夸者死權。眾庶每生。茲作夸者死權。自貴矜容。賦云。至人遺物兮。獨與道俱。茲作至人不遺。動與道俱。案此据李善文選注

蜀秀集 卷五

九

今本句賦云。眾人惑惑兮。好惡積億。茲作眾人域域。

同鵬賦賦云。眾人惑惑兮。好惡積億。茲作眾人域域。案文選注迫於嗜欲。案文選注縱軀委命兮。不私

與己。茲作縱軀委命。與時往來。賦云。細故蒂芥兮。何足以疑。茲作細故裂崩。奚足以疑。案文選注作裂崩。與蒂芥古字通。

賦云。忽然為人兮。何足控搏。茲作彼時之至。安可復還。安可控搏。賦云。寥廓忽荒兮。與道翱翔。乘流則逝

兮。得坻則止。茲作乘流以逝。與道翱翔。賦云。遲速有命兮。焉識其時。茲作遲速有命。必中三五。合散消息

孰識其時。案文選注引作遲速止息必中三五。合散消息。孰識其時。中參伍同合消散焉識其時。賦云。命不可

說兮。孰知其極。茲作終則有始。孰知其極。賦云。萬物

孰識其時。案文選注引作遲速止息必中三五。合散消息。孰識其時。中參伍同合消散焉識其時。賦云。命不可說兮。孰知其極。茲作終則有始。孰知其極。賦云。萬物

變化兮固無休息。幹流而遷兮，或推而還。茲作幹流，遷徙固無休息。賦云：彼吳強大兮，夫差以敗。越棲會稽兮，句踐霸世。賦云：憂喜聚門兮，吉凶同域。茲全用其句，但去兮字，是皆賈生自造之語。而此書在在與之合。柳子厚謂太史公伯夷列傳稱賈子曰：貪夫殉財，烈士殉名。夸者死權，不稱鶻冠。子遷號爲博極羣書，假令當時有其書，遷豈不見子厚此語？蓋已深燭其僞，何待按其文義而始知所言之不類哉？又其甚者，王銖篇直鈔管子書約數百言，如五家爲伍，伍爲之長。

蜀秀集

卷五

十

三十八

十伍爲里，里置有司。四里爲扁，扁爲之長。十扁爲鄉，鄉置師。五鄉爲縣，縣有嗇夫治焉。十縣爲郡，有大夫守焉。命曰官屬。管子立政篇曰：分國以爲五鄉，鄉爲之師，分鄉以爲五州，州爲之長。分州以爲十里，里爲之尉，分里以爲十游，游爲之宗。十家爲什，五家爲伍，什伍皆有長焉。小匡篇曰：管子乃制五家以爲軌，軌爲之長，十軌爲里，里有司。四里爲連，連爲之長。十連爲鄉，鄉有良人，以爲軍令。卽此書所襲也。郡大夫退修其屬縣，嗇夫退修其鄉，鄉師退修其扁，扁長退修其里，里有司退修其伍，伍長退修其家。管子小匡篇

曰於是乎五屬大夫退而修屬屬退而修連連退而修鄉鄉退而修卒卒退而修邑邑退而修家又曰高子國子退而修鄉鄉退而修連連退而修里里退而修軌軌退而修家卽此書所襲也父與父言義子與子言孝長者言善少者言敬旦夕相薰齎以此慈孝之務管子小匡篇曰今夫士羣萃而州處閒燕則父與父言義子與子言孝其事君者言敬長者言愛幼者言弟旦夕從事於此以教其子弟卽此書所襲也若有所移徙去就家與家相受人與人相付管子小匡篇曰內教旣成令不得遷徙故卒伍之人人與人

蜀秀集

卷五

七

相保家與家相愛卽此書所襲也伍人有勿故不奉上令有餘不足居處之狀而不輒以告里有司謂之亂家其罪伍長以同里中有不敬長慈少出等異眾不聽父兄之教有所受聞不悉以告扁長謂之亂里其罪有司而貳其家扁不以時循行教誨受聞不悉以告鄉師謂之亂扁其罪扁長而貳其家鄉不以時循行教誨受聞不悉以告縣嗇夫謂之亂鄉其罪鄉師而貳其家縣嗇夫不以時循行教誨受聞不悉以告郡善者不顯命曰蔽明見惡而隱命曰下比謂之亂縣其誅嗇夫無赦管子小匡篇曰正月之朝鄉長

復事公親問焉曰於子之鄉有居處爲義好學聰明
質仁慈孝於父母長弟聞於鄉里者有則以告有而
不以告謂之蔽賢其罪五有司已於事而竣公又問
焉曰於子之鄉有拳勇股肱之力筋骨秀出於眾者
有則以告有而不以告謂之蔽才其罪五有司已於
事而竣公又問焉曰於子之鄉有不慈孝於父母不
長弟於鄉里驕躁淫暴不用上令者有則以告有而
不以告謂之下比其罪五有司已於事而竣於是乎
鄉長退而修德進賢又曰正月之朝五屬大夫復事
於公擇其寡功者而譙之云云卽此書所襲也令尹

蜀秀集

卷五

十一

三十一

以聞壹再削職三則不赦管子立政篇曰若在長家
子弟臣妾屬役賓客則里尉以譙於游宗游宗以譙
於什伍什伍以譙於家長譙敬而勿復一再則宥三
則不赦卽此書所襲也彼計爲善於鄉不如爲善於
里爲善於里不如爲善於家是以爲善者可得舉爲
惡者可得誅莫敢道一旦之善皆以終身爲期管子
小匡篇曰與其爲善於鄉不如爲善於里與其爲善
於里不如爲善於家是故士莫敢言一朝之便皆有
終歲之計莫敢以終歲爲議皆有終身之功卽此書
所襲也少則同儕長則同友游敖同品祭祀同福死

生同愛禍。災同憂。居處同樂。行作同和。弔賀同雜。哭泣同哀。驩欣足以相助。儻謀足以相止。安平相馴。軍旅相保。夜戰則足以相信。晝戰則足以相醜。入以禁暴。出正無道。是以其兵能橫行。誅伐而莫之敢禦。故其刑設而不用。不爭而權重。車甲不陳。而天下無敵矣。管子小匡篇曰。少相居。長相游。祭祀相福。死喪相恤。禍福相憂。居樂相樂。行作相和。哭泣相哀。是故夜戰其聲相聞。足以無亂。晝戰其目相見。足以相識。驩欣足以相死。是故以守則固。以戰則勝。君有此教。士三萬人。以橫行於天下。誅無道。以定周室。天下大國。

蜀秀集

卷五

三

之君莫之能禦也。卽此書所襲也。故其後世之保教也。全耳目不營用心。不分不見異物。而遷管子小匡篇曰。少而習焉。其心安焉。不見異物。而遷焉。卽此書所襲也。綜計十九篇中。其自立說者十之三。摹擬他子者十之七。大都後人雜錄之書。又以膺語益之。故班志止一篇。而今書乃如此之多。其一篇或已亡。或卽在今書中。俱莫能定。修文殿御覽引鶡冠子曰。進賢者受上賞。則下不蔽善。爲政者賞之不多。而民喜罰之不多。而民畏焉。見陸解道。端篇注引。今本僅有上二句。又改下不蔽善爲下不相蔽。其非原書。亦可知矣。又班

志自注稱鷓冠子楚人居深山袁淑真隱傳曰鷓冠子隱居幽山衣弊履穿以鷓爲冠莫測其名因服成號著書言道家事馮煖常師事之後顯於趙鷓冠子懼其薦己也乃與煖絕見太平御覽逸民部十馮煖齊人此云後顯於趙卽龐煖也疑今書乃多與龐煖問答之語又有悼襄王御覽字誤案本書夫煖之仕趙鷓冠子旣與絕矣不問龐煖語悼作卓惟顯晦殊途抑且南北異地趙君臣問對楚之隱士何由得知而著之書漢志縱橫家有龐煖二篇兵權謀有龐煖三篇豈後人以煖書誤入之歟不然卽作僞者亦何故留此以自示瑕疵故據昌黎則盡以爲

蜀秀集

卷五

十四

眞據子厚則盡以爲僞平心論之眞不純眞僞不全僞蓋在參半之間究其作僞之人與隨志卷數合宜在唐前與班志篇數殊必在漢後意者晉魏之交迭經寇亂偏方割據典籍道喪撰修文殿御覽者猶及見之則中原此書固在而江左失傳時承清談風尚之餘好事者因贗爲一書以投時好略綴舊聞雜採他書埒以己意故其精語亦閒與諸子爭衡而其悖繆不經之談如謂堯不慈舜不孝倉頡不道湯武放弑利其子堯舜世兵篇語倉頡近歷詆古聖殆同狂吠亦惟六朝人始敢爲之人心險整固如斯哉世傳

偽孔氏古文尚書出晉梅賾。今疑此書當與同時。北朝有真古文書而修文殿亦引鶡冠子兩事。又相類也。謹據列朝史志所載本書篇數諸家論斷及與他書相出入者攷其異同而論之如此。

蜀秀集

卷五

五

為學之弊大矣哉。昌黎稱孔子之道大而能博學焉而不得其宗。故子夏之學流為田莊龍門。亦謂申韓之慘礪少恩。亦本原於道德之意。而楊墨俠佛之教。其後起焉者也。夫道猶日也。由槃而之鐘。自燭而之。籥庸有既乎。若鵝冠子者。學而不得其宗者也。世居楚深山。亦不傳其姓字。因好為鵝冠。故號鵝冠子。此其人必抑塞不得志於時。雖能自為一家言。而時露悲憤沈鬱之語。其書自博選篇至武靈王。凡十有九篇。韓子雖為正其脫落。滅其繁冗。取其四稽五至之

蜀秀集

卷五

六

一五川

言而祇云十有六篇意者。其未覩全書乎。間嘗取而翫之。奧駁錯綜。瑕瑜互見。要其指歸。有祖黃老者。有流刑名者。有入孔孟之正道者。有合於莊者。有類於騷者。而玩其詞語。有為漢人所胎息者。有似當時之語策者。有意語奇闢。而為諸子所罕見者。有洞達情事。而為後人所稱述者。有意旨可與他書相應證。而詞不必同者。其曰上聖與天地接結六連而不解。老子曰善結者無繩。禍乎福所倚。福乎禍所伏。老子曰禍福兮福所伏。天之不違以不離一天。若離一反。還為物不創不作。與天合德。老子曰天得一以清。成鳩得一故

莫敢仰制老子曰侯王得一在而不可見道在而不

可專譬於深淵其深莫測老子曰上善若水隨而不見其後

迎而不見其首芴乎芴乎中有象乎芴乎芴乎中有

物乎芴乎芴乎中有精乎致信究情復返無貌老子

為物唯恍唯惚忽兮忽兮其中有像恍兮惚兮其

中有物窈兮冥兮其中有精其精甚真其中有信與

無為自然之旨時有合焉其曰建立四維以輔國政

管子四維不張國乃滅亡文武交用而不得事實者法令放而無

以梟之謂也故政在私家而弗能取重人掉權而弗

能止韓非子愛多者則法不立威寡者則人不百其

法者不能為天下主即韓非子所謂妻子亦七人奸

蜀秀集 卷五

物無所穿竄罪伍長以同罪有司扁長鄉師而貳其

家誅齋夫郡大夫無赦軫令尹以狗信之故智韓非

言明君執術以制臣下觀聽臣下之言行以斷其賞罰之意也至所言戰勝攻取之

道應物而不窮知儀衍蘇李輩無不乞靈於此矣其

曰冥言易而如言難子曰其言之不難聖與神謀子曰

同不相為謀道與人成子曰苟非其人道不虛行親其民如子者弗召

自來靈臺之效是矣君子至門不言而信萬民坻親中庸是

不動而敬舟車相通衣服同采言語相知周闔四海

以為一家夷貉萬國莫不來朝中庸是以聲名洋溢

車所至人力所通凡一國之刑具在於身至于兄弟

有血氣者莫不尊親

以御于增規不圓增矩不方孟子規矩方圓之至也各反其故

天地跼蹐奚足以疑孟子天之高也星辰之遠也苟求其故千歲之日至可坐而定

也。不賢則不能無為而不可與致焉孟子人有不為也然後可以有

為聞者傳譯來歸其義莫能易其俗移其教孟子所謂用夏

變夷未聞變湯能以七十里放桀武能以百里伐紂

於夷者也孟子湯以七十里文王以百里以天勝以地維以人成孟子天時不

不如文則寢天下之兵武則天下之兵莫能當孟子

人和孟子文則寢天下之兵武則天下之兵莫能當孟子

必勝矣居處相察出入相察孟子出入相友守望相助父與父

言義子與子言孝子曰父與父言慈子與子言孝無欲之君以一度

萬即孟子三見齊王先攻邪故同而後可以見天異

蜀秀集 卷五 六

而後可以見人變而後可以見時化而後可以見道

時有通乎易進乎道之言即如君天也本出一人故

謂之天服義行仁以一正業夫仁者君之操也義者

君之行也之類其與孔孟修身治國仁義陳王之旨

相表裏者往往而有也其曰官治者師陰陽應將然

莊子黃帝曰吾欲官陰陽以遂羣生正神明之位南華天尊地卑神明之位一人唱

而萬人和莊子前者唱而後者唱易一故莫能與爭先莊子一

易者道也東西南北之道踴然其為分等也莊子知東西

可以相無命者自然者也時或後而得之命也時命

者惟聖人而後能決之莊子諱窮久矣而不得時也知通

之有時知窮之有命臨大難而不懼者聖人之勇也他如耳者可以聽調聲而

不能為調聲目者可以視異形而不能為異形莊子目與

形異而盲者不能自見耳與形異而聾者不能自聞一

目之羅不可以得雀籠中之鳥空窺不出莊子函車之獸介而離山不免網

意不同而辨同蚊蠱墜乎千仞之谿乃始翺翔而成

其容牛馬墜焉碎而無形莊子騏驎驂駟一日而馳

夜撮蚤察豪末晝出與目而不見夫山詞不同而意同大率同祖老子

者居多其曰賢者之於亂世也絕豫而無由通異類

而無以告苦乎哉屈原則曰黃鐘毀棄瓦釜雷鳴讒人高張賢士無名可嗟

知吾之貴賤無常時使物然屈原則曰時溷濁而廉貞埃賢好蔽美而稱惡

蜀秀集

卷五

九

雖不悅弗敢不響屈子則曰屈心而柳志愁苦而終窮過生於上罪死

於下濁世之所以為俗也屈子則曰舉世皆濁而我獨清世人皆醉而我獨醒

同為楚人亦同一傷世悲歌之語其日月望而晨月

毀於天珠蛤蠃蚌虛於深渚而淮南子曰日至而麋鹿解月死而蠃蚌騰

一葉蔽目不見太山兩豆塞耳不聞雷霆而漢書有淮南則曰

布杳冥晝晦塵埃八延之外舉以八極信焉而弗信淮南則曰

有八紘八紘八延之外膏露降白丹發醴泉出朱草生眾雜具

橐木降風芴葉遇霜此戴禮月令之所祖也賢者不

必得時不肖者不必失命此解嘲所由作也內聖者

精神之原幽則不洩簡則不煩所以開繁露之祕也

日夜相撓諫者弗受言者危身無從聞過故大臣僞而不忠其直切淋漓入董賈奏記中不能辨蓋漢時

去古尙未遠也其曰帝者與師處王者與友處與郭隗對

燕昭王同原季醫晉國語曰晉文公使原季為卿僵尸百萬流血千里

萬流血千里明將不倍時而棄利勇士不怯死而

滅名忠臣不先其身而後其君即主憂臣辱主辱臣

死之義也至卓襄王與龐煖論醫一節文辭著色雖

語策何以加諸其曰物之始也傾傾至其有也錄錄

至其成形端端王王幼少隨足以從師俗毋易天生

毋散天樸自若則清動之則濁較之無勞汝形無播汝精神將守形乃可

蜀秀集 卷五 十一

長生似精神相薄乃傷百族似警於上倍日月之神天

地成於元氣萬物乘於天地神聖乘於道德與天地萬物之

蒙天因人聖人於是設防知蔽竝起似尤簡於為之

因天同為奇闢於是設防知蔽竝起似尤簡於為之

弁與斗斛而竊之為之權衡類如百業俱絕萬生皆

困地溼火生天燥水生日誠出誠入月信死信生天

用四時地用五行調以五音正以六律捐私去毒以

死遂生從中制外九皇受傅郤始窮初一來一往視

衡低仰故形聲者天地之師一蚋蝥膚不寐至旦半

燎入目四方弗治等語真可提挈天地把握陽陰至

希人者無悖其情希世者無繆其寶二語冥冥去陳

誠諸子中不可多見者其曰進賢受上賞則下不相

徵修文殿御父不能得之於子君不能得之於臣史記

外戚世家貪夫徇財烈士徇名夸者死權史記夷齊迫

之不懼足以知勇彌衡鸚鵡憂喜聚門吉凶同域禍

之與福何異糾纏吳大兵強夫差以敗越棲會稽句

踐霸世達人觀乃見其可塊坳垠若不繫舟終

則有始孰知其極遲速止息必中參伍天不可預謀

地不可預慮水激則早矢激則遠精神迴薄振蕩相

轉眾人惑惑縱軀委命幹流遷徙固無休息變化無

窮何可勝言均見賈誼鵬鳥賦引之是以鳥鵲之巢可俯而窺

蜀秀集 卷五

也麋鹿羣居可從而係也子書中有此流麗故東坡喜用之其他天

居高而耳卑人者惡死樂生影則隨形響則應聲執

大同之制調秦鴻之氣得失不兩立成敗不兩張欲

知來者察往欲知古者察今兵者百歲不一用然不

可一日忘也此皆洞乎理明乎道之言故時時見述

於他書其曰伊尹酒保太公屠牛與史遷馬蹙賤業同一色澤德

萬人者謂之雋德千人者謂之豪德百人者謂之英

毛詩傳曰萬人曰英記曰五人曰美惡相節命曰復

茂十人曰選百人曰俊千人曰英周物極則反命曰環流與劉基一晝一夜花開者謝

寒溫之變非一精之所化海水廣大非仰一川之流

與李斯泰山不讓土壤故能成其大 不死不生不斷

河海不擇細流故能成其深同旨 不成與韓文不塞不流臨財而後可以見仁臨難而

後可以見勇臨難無苟免相得裁衣而知擇其工

裁國而知索其人與左傳子有美錦不萬賤之直不

能撓一貴之曲與千人諾諾不如一田不因地形不

能成穀為化不因民不能成俗與地之美者善養禾

一喻 外如以為奉教陳忠之臣未足特也似皇極經

世書聖王授業所以守制旨似秦誓富者觀其所子

足以知仁貴者觀其所舉足以知忠似韓詩外傳不

肖侵賢命曰凌百姓不敢言命曰勝似黃石素書帝

蜀秀集 卷五 三十一

制神化景星光潤似封禪文以木華物以火照物以

金割物以水沈物似呂覽天有九鴻地有九州似鄒

子順愛之政殊類相通似列子死人之事者不能續

人之壽似魯仲連遺燕將書出實觸虛執急節短似

孫子兵法手足為之汗出乃始搏折枝而趨操木似

應劭登華記以逆為順故其財貧以患為利故其兵

禽似奇經亦似古諺表術裏原雖淺不窮中虛外博

雖博必虛又似晉人名理詖辭革物者也一節大似

文中子力不若天地而知天地之任一節尤似退之

子瞻蓋其峻異不凡真子書之雄也然而學不得其

宗故孔孟也。黃老也。刑名也。莊騷語策也。得於此必失於彼。以其擇而不精。散漫淆亂。遂有目爲或世而誣民者。豈通論乎。故其奇言奧旨。創句峭筆。時或啟學者之思路。開後來之法門。開卷有益。非無補也。老莊而外。獨此子可與關尹文列並傳。而鵲冠充精於用兵。祖陰符之法。宗夜行之道。不獲一試於時。而筆之於書。以問世。昔人稱爲六國競士先鞭。其有以哉。其有以哉。一旦而有餘。故美玉之積於賦。賦也。凡人

蜀秀集 卷五

三

金割物以水沈物似日覽天爲九鴻地有九州仍其育以造政殊類相通似列子死人之事者不能續之於書以問世昔人稱爲六國競士先鞭其育以造賦其賦劍卷之去宗亦言之豈不藝一精然親而筆乘而於辭此子何與關氏文侯並書而器器天許然學商之思欲開卷來之去門開卷有益其無蘇墨法痛其清豈與舖平姑其奇育與旨險會削筆親苑類夫然始以其器而不辭精製前廣後旨目爲或世而宗造其孟出黃法出賦各出其理請於世其然也

擬王子淵聖主得賢臣頌

吳廷佐

夫藩籬鷄雀難與料天地之高尺澤鯢倪莫能量江海之大今臣生於巴蜀之中長自田野之閒傾太陽於葵藿託小草於山阿加以芻蕘樗櫟之材重以對天閔庥之事匪臣素愚所克勝任然際此颶氣蘆敷通生茂豫巖穴珍璞數照無遺敢不信鴻藻揚休命夫賢者祖宗之所培植精氣之所磅礴養之百年而不足失之一旦而有餘故美玉之襍於碲砭也凡人漠焉良工砥之而後夜光照乘玠函文鱗隨珠合璧駁犖青瑩者則有玉人之彫琢也精剛之藏於礦樸

蜀秀集

卷五

五

八五八

也庸人忽焉大冶鑄之而後太阿龍淵鋒利出塵干將青萍倣儻無前者則有歐冶之鎔鑄也是以春霆發響而驚蟄動蠕飛龍浮景而幽泉高鏡蚊蠅雖細附鳳翼則致千里蠅蚋至微攀鴻翻則翔四海故智君聖王闢門側席以延英傑之流拔茅連茹以廣登庸之路所由大舜啟於側陋伊尹來自酒保渭水波臣投竿奮績傳巖野老罷築膺聘賁帛而招離蔬而仕晉爵而侯觀國而賓古今所傳不可誣也夫地之美者善養禾君之仁者善養士蘭生於野幽芳芬馥披榛采焉遂爲王者之香雲出於山佳氣葱蔚飛龍

乘之驟有子雨之應。由此觀之。善莪中。泚苗藿。空谷
萋萋。鳳翽。蓼蕭。龍光。皆聖主所以勤摻採甄俊良也。
然而國家有網羅八紘之典。髦士有棲擇高枝之志。
閒居家術。消搖自足。富仁寵義。泊然聞達。必將虛心
以佇之。優禮以羅之。然後能捨鈞較。耕幡然改業。若
乃薰蕕雜進。涇渭錯糅。桂林可食。不伐將薪。膏芳有
明。不灼無輝。亦非賢士所願也。故必有唐堯之欽明。
乃能專任皋禹。有周文之秉哲。乃能旁求望散。優賢
揚歷。相得益彰。迨夫丹書鐵券。胙土分茅。礪山帶河。
延及苗裔。此如石投水之嘉會。千古一遇之遭逢。是

蜀秀集

卷五

五

豈徒攬六翮。飛翹車使賢者蟬蛻於泥滓之中。扶搖
於雲霓之表。誇尊賢於汗簡。盜得主之虛聲云爾哉。
將使陰陽和風雨時。天瑞降地符升。澤馬來器車出。
紫脫華朱英。秀雲潤星輝。風揚月至。江河成象。龜龍
載文懿乎。如膠漆之相投。沛乎如蘭艾之同潤。雖天
皇之三十六代。梁父之七十二家。不得比此休徵符
斯靈貺。重熙累洽。惠我元元。纂聖登皇。永承年代。唐
哉皇哉。皇哉唐哉。此一代之休嘉。萬世之盛事。弗可
備述已。臣不敏。無以揚洪鬯之德。豐茂世之規。謹相
與拜手。颺言含和吐氣而頌曰。大漢之德。於萬斯年。

擬王子淵聖主得賢臣頌

張肇文

臣聞鯉鱓遊於細流。難語河海之大。鶴鸞巢於阜垤。安知泰華之高。今臣遠阻西陲。繩樞甕牖。以爲居巴舞賓。歌以爲俗。耳不聽黃鐘大呂之音。目不眎清廟明堂之治。顧乃策名清時。辱承明詔。自維湔陋。愧無以贊昌言。宣聖化。謹抒鄙忱。麤陳管見。夫五帝不治。三王不自爲。大旨在得人而已。得人者以聖賢爲本。聖賢者以博選爲本。傳曰。天子居廣廈之上。帷帳之內。視不出戶庭。足不越跬步。然而智燭八荒。光騁九埏者。以左右賢也。夫峻極之山。非一石所成。凌雲

蜀秀集

卷五

三六

川又上

之榭。非一木所構。狐白之裘。非一腋所集。宇宙爲宅。非一賢所理。是故旅東帛於窮巷者。古皇之盛軌。揚滯羽於瘁林者。保世之大略。昔者公旦執贄於白屋。秦邵拜昌於張生。鄒子涉境。而燕王擁篲。莊周末食。而趙惠竦立。是以仲尼在衛。趙簡寢謀。干木居魏。秦人罷兵。此其人雖降高抑滿。以貴下賤。終亦并目以遠視。假耳以廣聽。虎踞龍騰。宜其然也。語云。騁挽策。迅者卽遺景。而不勞。因風凌發者。雖涉危而不傾。何則。工欲善其事。必先利其器。賢臣者。良工之利器也。取器精。則用物宏。量材授。則立效廣。譬諸人之濟川。

也。猶澤阻其前，彭蠡撼其後，汨涌潰潰，渾無涯涘，願欲逞徒步，褰長流，勢不至滅頂濡首不止。及至舩，艘操舟，篙師鼓枻，水擘鯨津，濤分螭窟，然後乘長風，破巨浪，朝發犀浦，夕泊龍門，浩蕩萬里，瞬息而至者，器用利也。庸工之治音律，亦苦竹濫絲，哀泛越而不和，及至伶倫協律，師曠審音，翕若行雲端，如貫珠，鳳凰來儀，鸞鳥止庭，和五聲，宣八風，周旋進退，洋溢太和者，材效兼收也。由此言之，明君勞於求賢，而逸於治事，呂氏之言，誠人君之大要也。雖然，當今之世，非但君擇臣，臣亦宜擇君。昔賢之未遇也，處穴大呼，聲鬱

數。因風長嘯，響遏百里，非不伏軾結軹，係念昌期，然而否泰所命，屈伸在遇，是故傳說勤於版築，膠鬲販於魚鹽，蘇秦握錐而憤懣，買臣忍餓而行歌，當彼四子，蠖屈之時，髮露心憂，容蘆色黑，言爲瓦礫，行成狂狷，如騏驥之伏於鹽車，元狽之困於籠圈，忠而見疑，直而見妬，此其大較也。及其得志也，或肖象而立，佐或輔命而興，王或衣錦而還，故鄉或佩印而遊，六國世主爲之側席，天子爲之起坐，言皆金玉，行若圭璋，破符錫圭，賜姓報鈴，世世子孫，代承勿替，豈其入前情而後知哉，亦會其時之可爲也。故元雲爲龍興

非虺蛇所能招也。颺風爲虎發，非狐貉所能致也。大人受命則逸，倫之士集玉帛，幽求則崖穴之俊起。是以有禹爲聖主，而得賢如皋繇杜子。旣子施子季子，然子輕子爲之臣。有湯爲聖主，卽得賢如伊尹慶輔。萊朱東門，虛南門，蠕西門，庇北門，側爲之臣。明良千載，喜起一堂。穆穆皇皇，休有烈光。沛乎若大旱之懷，膏雨若盛暑之被薰風。雖困輪遇公輪，良驥遇伯樂，尙未足以形其得意也。然後馳踪黃序，比跡朱宣，四方無拂，五戎不距。一尉候於東西，合車書於南北。行見天瑞降，地符升，澤馬呈，器車出，紫脫華，朱英秀，山

蜀秀集

卷五

三六

前文上

登效靈海，若舊德高拱，夫彤宮之上，優游於黃屋之中。纓序蒙視於萬斯年，以固皇漢，丕丕基，奚必坐王母於少廣，訪廣成於崆峒，導氣丹砂，服食金莖，而後爲豫樂哉。詩曰：思皇多士，王國之楨。願陛下垂意也。

信修文學懷質抱器振孤風而絕侶負瑰奇而離類
朝辯亮於薰輦夕捨貞於蘭佩哀眾芳之無植瞻英
華之有瘁心悵悵以增惘魂營營而失墜虛瑤瑤其
靡贈恐理美其將沫至乃陰櫛謝春凡案長塵秋月
霜渚獨行曠野孤潔寡儔抑鬱誰語發浩唱於山阿
託遙心於江澣踐迷陽以紆戚食菘心而愁苦喻旨
大夫聞而不怡雖孤芳之無偶奚春翹之有悲乃泣
璞於朝葦等捐玦於華蕤雖前聖所厚而知者弗爲
稅徒駕以造廬將叩虛而說之御遊風之騎載飛雲

蜀秀集

卷五

五

之駢勒紅韉錦輪朱轂丹入幽徑而攬轡屆委巷而
迴轅石室闕其無人叢林隱其蔽天遂敕驂而解轡
造乎文學之居焉面大壑而荒垠背平岡而塊靄石
含貞以閱景泉漱潔以鳴瀨壑虛響而朝吟天無靈
而晝晦幽篁蕭瑟於山椒孤松偃蹇於雲外於是整
疎襟紆廣帶彈王貢之冠鳴鄒魯之佩乃造膝以導
儀遂敷衽而陳誠曰天道以亭毒而孳地德以包容
而煦欣愉者臚命之機憂戚者戕生之谷今足下矯
世法以冥行離人羣而遠寄愁蒸溢於百齡憂漫引
於千歲昧守墨於獨清反悲黃於眾蔽至乃踵湘纍

之後軫奉申徒之前轂險或等於陽城極乃符於疏
屬良焦原以履虎構虛庭而待鵬不懷玉於短褐將
碎瓊於奇服何異迷迭寇芳以取焚精衛憤淵而自
促今將爲足下陳遂生之縱樂肆情之至娛譬昏衢
於燭照喻寒谷於吹噓足下其願聞歟文學曰懣旣
極而思啟矇始昭而願發請攄情於肺腑敢銘言於
心骨

大夫曰華宮拓宇朱堂造天櫺以連闈繚以周垣坐
魁斗而結極面陽陸而開軒倚以重璧之臺擢以雙
珠之闕戶檻方而象圭基礎圓而成璧迤邐迴顧高

蜀秀集

卷五

三

上巳三上

下相承延廣駭矚穹隆蕩精發道互虹以帶閣雕櫳
接翼而抗櫺邃宇密其無陽高瓴燦而列星撰章華
之待構侈阿房之未形華棟浮遊以虹彩雕蕤駢次
以蚶碧造皓汗以霞翥仰周遊而雲飾紅葩藻井碧
杏文棖陽馬承橐應龍拱楣飛檠狀獸垂栴刻飛海
山居屏以遠列仙靈憑牖而下窺屢貫婁空以交映
采恩網綴而互迴洞以入達之寮層以六曲之檻瓊
陛前垂丹楹左轉卸砌直唐珊阿接館清殿傲牖而
炎零密室障帷而冬煖銅龍滴而夜喧金猊噴而書
晡重軒疊極飛閣周阿方廚植蕙沙板疏荷玫瑰飾

柱以擢莖。木離斷拱而承柯。望蟾景倒。招鶴星羅。其
下則疏石通泉。因流爲沼。涵鏡源以香灑。折璇流而
浩晶。宛中泚於翠蒲。託微波於鳧藻。虹梁蜿空。水榭
臨風。蘭箱馭曲。桂棹交權。乃有奇醺。豔藜芳植。嘉卉
都蒨。遂芳檉。榆發蔚。平仲蔭宇。而菴萼昔邪。緣壁以
翳。蒼吐靈光。之美珠綴。吉祥之嘉佩。董舒窺而目炫。
揚雲過而心醉。此宮室之豪侈。諒不遺於良會。文學
曰。狗華者靡志。懷安者敗名。雖紛華之亦慕。甘寂寞
其何聲。

大夫曰瓊椀八盞玉鼎重臺。螭首負俎。熊耳刻杯水。

蜀秀集

卷五

三

三三〇〇〇〇

陸競湊奇珍。具來驚助熊。膚燕脾幾胎。龍餅五光鳳。
脂三品。露雞取距。文絛去枕。蟹黃芼薑。熊白和筍。江
珧海肉。雲鳧林蟪。文象之約。明駝之蹄。羞以葱溲。和
以醢醢。湯節三調。火紀九變。金錡旣湘。銅盤乃薦。孺
效滑甘。和若太苦。淵豉幽菽。吳鹽薄鹵。冒以木蘭之
椒。亭以巴賓之菊。堯鼎舜盤。夏瑚商俎。珍盛蘭籍。醪
斟桂醕。中山佳釀。烏程清醕。羽觴旣行。玉箸時舉。亦
有牢九起。溲酪漿粃。乾錫貢質於南方。石蜜發甘
於西戶。承九醞之中。輟備四善之遺。取牛臄滋沃。羊
腴膏羶。衛國之鮒。洞庭之鱖。亞飯陳饋。大烹割鮮。繕

珍廚以饌益肆佐餐於食筵。歷以白粲之糗糧。以紅蓮之稍易牙施巧庖丁。奏妙運鵝刀以善割。揮鸞刀以精造。細如疊穀。薄若單羅。爽芳旨於一饋。笑儉饌於三戈。醲薰既徹。甘饌多品。齊國之柿。蜀都之棗。露心之葵。霜華之茗。榴實雙蒂。蓮房共柄。甚有一寸之奇。歌呈九節之異。來禽重味於南中。檳榔發馨於北地。盧橘中甘。楊梅核細。既愈渴而析醒。亦蠲繁而解滯。此樂宴之極歡。豈能委心以從事。文學曰。心遠者對食忘味。憂切者臨觴不歡。方塵已於素業。謹謝客於塵筵。

蜀秀集

卷五

三

大夫曰。南國麗人。東家美子。纖腰素腕。明眸皓齒。狀飛鴻之欲翔。睇雛燕之將止。月眉發黛。星靨生霞。訝纖手於魏國。借細骨於石家。翼鳴蟬而鬢薄。帖分鸞而領斜。唇珠點萼。鬢顧安花。出瑤臺而奪彩。耀金屋而爭華。捧心善顰。齟齒宜笑。如嬈媚於遂顯。赧羅敷於自邵。至乃妙腕凝柱。新聲撫琴。發秦箏於西氣。鼓趙瑟於北音。理勁絃則代馬仰秣。操柔縵則秦鳳歸林。芳草將暮。餘春未晚。露委蘭榭。雲沈梨館。悵迢迢。其可娛思。徬徨而欲遣。瑰柱晨設寶絃。畫張前簫。後管左笙。右簧。懷楚歌之變徵。儀郢曲之引商。乃有碧

玉小家青琴殊色。葳西子於吳宮。啜南威於晉國。臨珠桁而牽衣。就玉臺而縮結。容與霞采。俯仰星列。爭妍效伎。馳情整節。揚采菱之結響。記彈桑之圓折。歌扇掩而驚塵。舞袖飄而迴雪。蘭堂向夕。蕙渚承閒。雕櫳罷倚。羅薦仍安。旣臨風而歸佩。還臨鏡而看綰。展蒲萄之錦褥。添荳蔻之爐煙。爭承容以取媚。私遣視而自憐。此佳治之怡悅。豈忘情而棄捐。文學曰。居歡靡戚。在憂寡娛。雖備聞於窈窕。諒無解於絛歎。

大夫曰。昔夏涉秋。迎霜戒露。淒綠收野。零青隕樹。徇秦墟以游畋。涉林薄以馳驚。張罟遍野。設阱填蹊。飛

蜀秀集

卷五

三五

無逸羽。走無遁蹄。獵具緣山。獠徒彌野。期門伏飛。田疆古治。雄冠偃頰。短褐齊踝。海西之騎。宛北之馬。鞅絆瞳青。鞭鳴汗赭。軼驟駢於閑中。齊驕驕於輦下。飛輪載旆。猛珥揚鈴。雌蜺垂綏。雄雞抗旌。弓張落月。矢帶流星。鳴血之刀。步光之劍。貝冑羅星。虹鋌射電。東郭韓盧。南郊田獫。風追景躡。雲集雨散。追逐周陸。往來陵坂。申鼓合眾。旃會圍鉞。熊豹獲兔。拉犀繳稍。鷓鴣羅塞。鷄獸駭遇。鋒烏窮值。機羽飛阜。拞血染輪。迷草平薙。於桐野木。橫陳於斷蹊。牝壑爲之填。雄岡爲之坦。夷腳頓象。鬮脰殪封。虎鋸牙生。拔稜

角摧取麟楚澤之射干蹴上林之蛩駉豕觸藩以囁
慄。羆走岡而蹲。踞巧中奇射則蒲且所不能階。徒搏
獨殺則子虛所未嘗覩。此田獵之壯觀。諒解憂而心
與文學曰好勇薄於血氣。愛物具於仁心。方思艱於
履虎。豈縱逸於從禽。

大夫曰。曜靈環代。星緯交流。沃若芳春。倏焉素秋。悒
涼燠於蟪蛄。寄朝暮於蜉蝣。英靡露而遺謝。華何宴
而不收。蘭芳致燒膏。肥見燭齒。貴象焚珠。明蚌裂。憾
生世於電火。憺人壽於金石。七情紛其無主。百憂局
而爲客。富陶頓於須臾。貴金張於頃刻。華堂珠履。愴

蜀秀集

卷五

三

三十一

於雍門之琴。金搖錦帳。罷於師商之瑟。若夫紫度餐
霞之客。赤班飲沆之倫。擷林腴以伐髓。環寶樹而隱
身。扣霞關之獅豸。把電鑰之麒麟。方瞳久視。嬰貌長
春。金液凝府。玉根淨塵。鼓盪神駕。嘯嘑道真。斂魂滑
於霄度。視尻化於崑崙。斷不死以爲牀。折恆春以拂
御。攬四照之香叢。佩九華之寶璐。棲神太赤之庭。息
慮空青之樹。接雲華之後軫。期羨門於前路。遊歸日
月。竦滅煙霧。乃有五百珠吏。四六瑤仙。虹蓋傾聚。霓
旌往還。履飛雲而倒闕。扇隱霞而掩關。離風雕海之
濱。撰景麟洲之浦。還昇娥於碧宮。過瑤姬於瓊圃。亦

有洛水宓妃巫陽神女弄玉之儔飛瓊之侶投珠贄
以贈答御銖衣而容與玉榮沃露瓊芝漱霞一酌千
歲有生無涯此遊仙之暇豫諒帝臺之願家文學曰
大塊雖勞生之機穹隴乃息徭之所念不朽之在名
詎長生之足詡

大夫曰既棄爨於荒唐諒炳明於馨逸今將爲足下
潤齊魯之金聲宣孔顏之玉律乃若禮殿學堂名山
石室衣冠圖緯喉襟簡漆賢響附景聖鏡昭日馳五
際之方軌導三雍之崇術粲粲門子莘莘學徒搢紳
廣帶縫掖方裾傾前蓋以希御負寶笈而造廬脫戶

蜀秀集

卷五

五

限而履滿就函筓而衽敷刻玉金之蘊寶擷經訓之
舊畚析四詩於言奧綜五緯於說邪乃有柱下之冊
延閣之儲雞次之典羽陵之書綠督醕聽緝熙廣謨
列帷者風誦擁篲者塵趨或炙光而撰席或竊聽而
踞觚雅瑟三鼓文琴九暢動蘭谷之幽操奉杏壇之
景杖陋蒙莊以未喻屏程烏而弗尚譬龍燭於昏衢
喻麟鼓於窮壤誠金鏞之在篋詎玉卮之無當此經
術之素猷當愜心以貽貺文學曰隱投者吾黨之窮
非俊者眾人之蔽雖余情其信芳諒子談之何易

大夫曰惟聖代之建極貫遐宙而稱美肇基錫命於

斧鉞登寶曆符於延喜垂統翼世扶綱綴紀羣萌受
育於髮膚眾芸戴生於首趾二代文質於以受其甄
兩漢馳驟曾未方其軌若乃醴醕奄化勵精邕途四
表枕被八埏蔭敷亭六合於咸若措九海於密如百
工釐熙兆人穆都踵下車於微禹伸畫象於有虞猶
復抱表幪猷陳樞歎志邈澄鏡於軒代樸寢繩於皇
世訪奇英以疇采登俊髦而敷事起韋帶於谷音賁
蒲輪於園次俾夫聲教醴粹皇輿穆清九乾若則三
階順平春無厲風秋無苦零磬地塞禾遍野垂英虛
國儲而租實藏民府而庾盈塗人遜道於同軌田父

蜀秀集

卷五

三

蜀秀集

推畔於偶耕爾乃漸義被仁甄和陶禮沃之如膏飲
之如醴淩環沼於園郊樹鈞庠於閭里黔黎翫而響
風蒼隸惡廉以遵軌比戶懷可封之思行路有拾遺
之恥登春臺以共嬉虛秋囿而靡止孰萬天之可踰
何柏皇之能侈仁路休幪皇風載融巍巍翼翼顯顯
隆隆帝干洽於禹迹王履罄於堯封凡夫一臂三身
之圖臬矚烏弋之戎晦食穴居之習沮顏焦齒之風
莫不回面以受款稽道而來同順澤旣流休徵乃薦
甘露霄零於竹葦卿煙晝結於天漢角端貢狀以來
臻白澤呈圖而屢見穴雛棲宇纏於黃帝之閣郊麟

遊。藪。富。於。周。文。之。苑。重。柯。三。脊。之。種。史。不。暇。書。銀。鬻。
金。船。之。寶。府。不。能。算。當。此。之。時。羣。類。悉。姚。耆。之。氓。百。
佐。盡。臯。夔。之。侶。沈。淵。之。士。聞。之。而。策。身。蹈。海。之。流。欣。
之。而。起。舞。言。未。旣。文。學。避。席。整。襟。而。謝。曰。曩。子。進。我。
以。沈。溺。之。說。構。我。以。虛。儀。之。詞。譬。捫。籥。而。盲。議。猶。驂。
駕。而。僂。馳。今。聞。聖。化。之。旨。良。深。中。於。余。思。努。力。明。德。
敬。康。聖。時。

蜀秀集

卷五

擬王子安益州夫子廟碑

彭毓嵩

述夫星瀛日嶠壓坤紐於東南朱曜素靈炳乾符於西北雖復電墟翠琯渺躡泐拳石之形螢燭丹華闕玉虎珠禽之彩然則規地絡而準高深則冠鼇之境爲至大也矩天羅而量巍煥則轡龍之御有獨尊也故知塵慧鑑於螳封戴粒者不足仰瞰雲之峙域冲襟於蠡測浮芥者不足窺浴日之淵是以瑤樞蠹而萬象環金鏡懸而九鴻燭粵稽象極流英鴻濛演緒六羽瑤車雲乘紀神靈之駕五龍玉牒星謠膺日月之符以暨朱襄驪連之代黃神豨韋之君舞玉戚以

蜀秀集

卷五

三五

摻蒼受琅函而拜扈北過鹿野氣蒸白馬之墟西眄熊淵瑞叶元龜之筴然皆華蓋承三抱爰皇之魁柄銀衡用九斟上帝之元樞用能羲瑟猿鐘譜笙歌於上古宓銅軒幣垂寶典於初靈泊乎東樓隴黃絲之祠西臺墟元禽之社鉅橋紅朽爰鬯皇猷繻葛烏號遽熄王迹舊邦板蕩新邑塵蒙帝室夷而侯服霸兵車重而冠裳輕九鼎聲靈與鼓鐘而煙歇兩京文物隨斧鉞以雲流景命不振於承天斯道乃瀕於墜地由是帝天眷顧宗域肇祥衡璣奎壁南輝朱鳥之躔角亢尾箕東啟青龍之舍河嶽鍾而英靈降乾坤合

而至德生。綫延火德授尺柄於素王。籙演水精勗分符於赤帝。三無降鑒立天地人之儒宗。九有洪綱承皇帝王之道統。自生民以來未有也。非聖人而能若是乎。夫子姓孔氏諱某字仲尼魯國陬邑昌平鄉人也。銀潢聖葉商帝天乙之宗。玉籙皇根殷王元子之胄。雖素鱗旄鉞輯翼翼之珙球而丹雀旂裳奉拳拳之帶礪於是禮讓承家恭三命而銘神鼎詩書衍澤頌五篇而壽靈鼗風邱避跡地託龜蒙星嶽飛精天開鳧繹龍翔昂紀黃姚刻玉之符麟繫雲書蒼后雨金之瑞決洙源而輸德水開闕里而樹儒門其生有

蜀秀集

卷五

三九

自來歟。聖人知有真也。若乃恢帝室之寶緒壯女陵之瓌姿。四十九表其形九尺六寸其體。頂圩反字模。鄭棟之鳶肩目湛澄河繪唐屏之龍額七宮珠斗應。乾度於象躔五岳瑤圖萃坤靈於虹渚亦猶祥麀表。瑞十華輝豹霧之文威鳳歸昌九苞煥鵠雲之色非。聖人之至粹其孰能與於此。若乃垂髻而嬉俎豆。卮角而志縹緗。神禹有聞善之拜。智桃有好問之雅。聖不自聖。師無常師。調玉軫於磬囊。考金徽於葭叔。宗邦驪唱綜鳳屬而訪龍官。太廟駿奔肅鷓鷯而稽象典。周京撰杖青牛披柱史之書。齊門望壺丹鳳譜箭。

韶之曲。非聖人之至。虛其孰能與於此。若乃緇帷考道。丹席崇儒。鄙夫問而應。撞鐘童子見而希歌。瑟東國傳經。鼉泮首文之地。南宮習禮。虎闈齒冑之人。秋日懸香燭。九流而歸。瑤鏡春風。澡雪甄萬彙。而荷鈞鑪。遂使三千負笈。笙簧揚藝苑之華。七十升堂。鸞鶴控賢關之轡。非聖人之至。教其孰能與於此。若乃鞅掌萍漂。輪蹠鐵頓。立道綏動。世莫予宗。禮樂兵農。時不我用。陽虎疑而厄。匡司馬遭而避。宋轅還東。洙素心阻於蜚鴻。施返西河。碧血傷於鳴犢。猗蘭出走。蟋蟀驗戀闕之悲。匏葉倦游。虎兕悵窮途之愠。吾非斯

蜀秀集

卷五

四

三〇〇〇〇

之與誰與。知其不可爲而爲。非仁人之至。仁其孰能與於此。若乃星匏切投。明之願。雲桂深招。隱之思。悵落月於石門。弔餐霞於潁水。車煩赤縣。難矣。懷荷蕢之嘲。舟喚黃城。憮然對執輿之問。蠡山避世。攀歌鳳於楚狂。雞黍款賓。趣迴驂於葉叟。大道之行也。有志君子之仕也。有爲。非聖人之至。義其孰能與於此。若乃乘權宗國。攝柄中都。遲女謁於龜山。應刑官於虎宿。劔沽星佩。不儲牛馬之費。市列日中。頓改羔豚之飾。至如歸者四方。行有別者九野。讓敦農畔。風休蒲坂。之墟。頌溢堯衢。春暖華胥之國。非聖人之至。化其

孰能與於此。若乃變冬日於臯廷，肅秋霜於禹甸。龍泉善斷，牛刀試割。卯誅兩觀，飲羊之習。除甲出三都，列雉之雄墮。於是武臺鸞蹕，麾旗而逐公山。夾谷霓旌，舉袂而清寶坻。遂使威寒臯臆，野歌麇鞞之新鄰。制犬牙田，復龜陰之舊。非聖人之至剛，其孰能與於此。若乃智珠鑑遠，慧鏡鉤元。韶悟齊壺，怪知魯岳。考專車之皓骨，詳剖斗之丹華。七廟災而識釐王，五行論而窺太皞。靈禽舞野，雨符誌於商羊。逸鳥棲庭，星鑑昭於陳隼。韋披三絕，龜繇探神馬之圖。誓繫一篇，雉寶兆祖龍之霸。非聖人之至睿，其孰能與於此。若

蜀秀集

卷五

四二

乃南國班荆，西京傾蓋。主嬰宅而燕毛敬，子顏巷而鯉膝懽。原壤有夏楚之威，闕黨有春華之愛。饋承康藥，消城府之藏胸。使對衛蘧，懷庭軒之靦面。雲山寄雁，象環隆折磬之儀。星館脫駢，鸞轡寫綈袍之戀。其交友也以信，其與人也以忠。非聖人之至誠，其孰能與於此。若乃尋墜緒於金聲，演傳薪於玉振。蔥靈之虎貌，斥砮砮。柳下之禽，懷殊禮。檀謁扣帝馬而欽孤竹，抱挹清風。緬臣鰭而仰空桑，情輸就日。鼎調斟雉攀靈躅於丹陵，琴矚望羊夢音塵於赤几。用是以淵源千聖，宏江漢之歸墟。冠冕百王，壯宮牆之峻軌。非聖

人之至聖。其孰能與於此。盛德備矣。大業昭矣。然猶
筐篚六藝。鑪錘五典。雍臺世室。王會開圖。農瑟媯簫。
中聲定譜。稽堯訂典。帝王垂龜鑑之資。反魯刪詩。官
廟叶鸞笙之奏。義經傳翼。闡苞符於三百六十四爻。磨
筆誅心。嚴衮鉞於二百四十餘季。夫子之性道。不可
聞也。夫子之文章。得而聞也。雖復奠楹夕夢。負杖晨
歌。鳳兮胡然而衰。麟也胡然而泣。地維東陷。頽鼇柱
於魯邱。天蓋西傾。折蚪梁於夏屋。二儀輪轉。不能愆
華落之期。六氣環循。不能泯苑枯之憾。而統光九夏。
緒演千秋。庭茁孫枝。振瓊裾於宋衛。澤流淑艾。浮寶
蜀秀集

卷五

四三

上三十一

篋於齊滕。於是六體分於楚晉。四始列於齊韓。易師
九派。探元聖之鱗領。傳學三家。張素臣之羽翼。猶足
併幪萬曜。星躔羅太紫之宮。策轡九區。日陸控中黃
之道。遂使鴻都虎觀。奉玉律於東山。春版秋戈。扣金
鐘於西序。既乃洛鼎波沈。秦坑火烈。星妖日稜。天經
闇而斯文乖。川竭嶽崩。地紀絕而吾道喪。泊乎斬蛇
奮武。謠膺赤伏之符。歸馬修文。密召黃星之籙。兩楹
牢祀。晉褒成之侯。封複廟。龍尊賁崇聖之祀典。樽俎
爰以來馨。琴書賴以罔替。然而九龍鼎裂。三馬槽爭。
魏晉狼吞。周隋虎踞。黃埃撲地。蠶旗講武之場。白草

漫天塵柄譚經之市。皇家上膺蒼眷。下順黎情。提六合之瑤衡。受三靈之寶位。高祖武帝。星耀紫垣。厥瑤屏而瓊宇。而埽蠹屯。太宗文武皇帝。星耀紫垣。厥瑤屏而通鵬海。今天子應光華之景運。宣累葉之重麻。仗金策而撫羣元。披銀圖而衍列祖。九筵禮備。精流月燧。之樽萬舞。雍歌響遏。雲和之瑟。灑茅下降。焄蒿上達。八神胥蠶。十倫臚驩。梯航激電。來鷺堠之車旗。鐘鼓無雷。正鴻荒之襟帶。光被之無天。無地。叩歷途窮。德華之如日如雲。昆蛾澤沛。聲靈通駿。景貺延龐。泰鴻變而甘露零。坤象滋而醴泉涌。王繩金壁。宣瑞曜於

蜀秀集

卷五

四十三

三階丹輓形車。貢珍祥於九服。貌貅羆虎。滅影飛廉之隅。麟鳳龜龍。躍精太液之沼。萬靈於以畢會。六虛於以同和。雖復衣裳。恭已形宮。抱蜀而緘金。精鞞。蠲辰黃屋。齋齊而饌玉。六宗不可以不禋也。百神不可以不享也。由是風伯行觀。雷師出豫。斗駕帝車。素虎煽招搖之柄。虹馳複道。丹蛇輝列。缺之鞭。江茆鄙黍。奉蒼壁於圓祇。東繅西鷄。薦黃琮於方社。雲封白雉。登介邱而禪云亭。星繞黃龍。坐明堂而禮靈時。百禮暨矣。萬歡洽矣。悵書軌於西周。欽幃帳於東魯。六螭日御。鳴鑾騶嶧之陽。萬騎雲屯。駐蹕鴉林之野。斯文

未喪稽瓊檢而考銀繩。享禮有加。奏金絲而燔玉册。
魚燈夜碧。輝綸綉於人間。鳳軸霄丹。變鹽梅於天上。
懿維大唐乾封元年。追贈太師禮也。咸亨元年。又詔
曰。宣尼有縱自天。體膺上哲。合兩儀之簡易。爲億載
之師表。顧維寢廟。義在欽崇。邇聞諸州縣廟堂。暨學
館。有破壞并先來未造者。遂使生徒無肄業之所。先
師闕祭奠之儀。久致飄零。深非敬本。宜令州縣。速加
營葺。九隴縣學廟堂者。龍朔三年。邦人士之所建也。
爾其國啟蠶叢。籙垂厖傀。包陸海以開置。廓靈關而
爲宇。水潛鯢。金堤紆灌口之江山。舞蚺蜥。王壘互

蜀秀集

卷五

四

峨眉之阻。冠帶混并之所。鐘磬九衢。輿輦襍沓之都。
車書八極。天地所以會昌。英靈由以世載。於是葛姜
世第。綿維儒冠。稽蠹簡而仰聖踪。捧鸞書而欽帝命。
碧雞東望。考故宅於魯墟。丹雘西成。廓新宮於蜀市。
金城曉霧。煥櫺星於環獸之門。玉浦宵澄。映明月於
盤龍之棟。窗疏屈戌。規泗水而開堂。龕狀天申。範尼
山而列座。兩廡翼附。躬侍門牆。十哲鱗攀。顏親几杖。
遂使峩冠雉雉。掇鸞芹於璧水之前。博帶魚魚。聽鼙
鼓於環林之下。蓋化闔禮闈之地。甲令早洽乎民。鼎
故巴歌。歛舞之鄉。子來遂崇乎聖宇。銀青光祿大夫

譙國公諱崇義。大武皇帝之支孫。河間獻王之長子。五潢玉映。疏瓊液於天津。十日金鋪散瑤光於地戶。星懸帝子丹宮。耀鶉絡之墟。瀆視諸侯。紫綬濯龍蟠之水。朱虛上位。鳧藻洽於川西。黃初懿親。鳳華欽於魯北。智囊燭隱。獄清狂狷之門。慧劍鋒森。石鎮犀牛之浦。武侯以書臺授學士。鱗萃而雲興。文翁以石室聚徒。化蛟騰而日上。司馬宇文公諱純。左衛將軍靈州都督之次子。河南洛陽人也。旌旗百代。劍履三朝。系貂列駟。台門鼎族之家。紫紱丹軒。帝葉皇枝之裔。鳳雛逸品。翔風翻於西申。龍首雋才。翥雲鱗於東道。

蜀秀集

卷五

秋陽鏡朗。塵清躍馬之區。春雨車隨。澤潤蹲鴟之境。縣令柳公諱明獻。字太初。河東人也。軒裳煦緒。忠孝清芬。太素降靈。元黃授彩。得公門之遠氣。鬱台極之宏圖。四科高第。振風壑之鯤鱗。百里名區。歛雲天之鵬翼。自僊臺列版。朱絲揚捧檄之榮。宰室安絃。墨綬譜鳴琴之治。中牟日暖。馴丹翟於桑垆。王吉風流。駐青驄於筠館。冰鑑方其燭照。玉壺挹其淵懷。神明之額。頌盈衢。父母之口碑。載路。猶爲周廷鼓鐸。政府之金科。魯壁絲簧。文場之玉輅。爰乃攀廟謨之龍眷。稟藩鎮之鴻章。梅家仙尉。鳳趣襄勤。桐鄉嗇夫。鳩工畢

舉乘烟置臬。新開漢制之模。揆日端繩。舊廟周規之式。瑀檐駕翥。綴珠網於星津。繡柱虹伸。吐璿璫於月殿。遂使師紳華帶。鸞翔登鄒邑之堂。仲瑟顏篔簹。立侍農山之席。由是南方二月。北陸三秋。薦上席之儀。尊鳴中庭之鳳。瑀蓬邱雲閣。萃學士於西河。芸帙瑤籤。起經神於北海。青衿螢案。莊栖文杏之壇。絳帳雞窗。館列華芝之室。帝治因以風動。儒教資以日興。將使孝蘭悌棣。大同昭聖域之庥。豈徒賓旅巴童。小試變武城之俗也哉。勃才愧馬班。學懷騫冉。蠅鑽紙裏。擷經藪之菁英。蟻慕羶行。瞻德門之美富。考心傳之

蜀秀集 卷五

吳川
卷五

統緒。遙矣。綜首出之神靈。眾矣。夫子之不可及也。所謂集大成者也。所謂化而不可知之謂聖。聖而不可知之謂神者也。嗟乎。鄒與學願。孔子。梯絕升天。端木智知聖人。襟攀無地。矚重新之棟宇。歡三接於琴樽。捧賓館晨昏之袂。託喜龍門。問神津遠近之途。鳴嘶驥。攄飲河易滿。腹笥深颺。鼠之慙。觀海難言。心香代魚。鳧之祝。敢爲銘曰。
二象初分。九鴻未廓。日月膏騰。乾坤寂寔。盱盱睢睢。渾渾噩噩。天帝心悲。神靈首作。瑤星降瑞。皇風作君。蟲規蒼篆。義畫丹文。龍衣藻火。鳳瑀桐雲。元黃錄。履

赤白符分郁郁周文。踈踈周道。郊廓鼎沈。太阿柄倒。
熊蟠楚官。雉胎陳寶。九服天荒。三綱地埽。龍翔泗水。
虹繞尼山。元禽玉裔。白馬金班。道承鼉鼓。文考象環。
後聖之闕。先聖之閑。巖巖魯邦。滔滔天下。朝化飲羊。
暮陳文馬。衛磬匡琴。宋檀楚社。君辱鵠之臣。傷麟也。
西周已矣。東魯歸歟。禮修豐鎬。書斷唐虞。韋編龍索。
筆削麟圖。文章大輅。神聖全模。帝王不歸。禮樂漸微。
秦燔鹿挺。漢火螢飛。烏跳魏晉。兔走周隋。塵湮流澤。
風斬遺徽。斯道無主。我皇御宇。鯤化三千。龍飛九五。
國號陶唐。家成陬魯。玉檢齋堂。金堤表戶。天迴魯嶧。

蜀秀集

卷五

七

地闢鄒祠。雙川雷動。九室風追。蟠龍澤準。化鳥州規。
爰開駿宇。式廓鴻基。大哉元聖。赫矣素王。山喬鼇嶽。
棟矗虹梁。室幽蘭翠。市近槐黃。萬方木鐸。千古金篋。

擬王子安益州夫子廟碑

楊銳

繫維熊湘南望軒皇張赤水之符。鼇極西傾。焗氏奠黃壚之宅。雖復蚩尤。彗日。至人握璣鏡以斟元。夸父騰淵。喆后撫金甌而御寓。所以四游宣夜。則大昭虛。霸之機。無能祕也。八柱中州。則靈囊漢琅之際。未足周也。乃知神明馭世。洪飈不能扇巨解之波。太上膺圖。凍雨不能破中央之塊。故治平洽而雲氣浮。河光華盛而流星入。昂嘗觀兩儀。剖判典墳。開蒼皞之圖。萬化屯蒙。河雒捧翠嬌之策。暨乎華渚流虹之代。瑤光貫日之朝。聖人有以見天下之蹟。而象其物宜。聖

蜀秀集

卷五

四六川。上

人有以見天下之變。以行其典。禮察璣衡而乘正。焜耀三靈。哀玉帛以朝宗。聲明萬國。迨夫姬宗弛馭。邾鼎沈淵。九流橫而霸國興。三川震而皇圖圯。膠舟漢水。乘輿板蕩於戎荆。野祭伊川。故府沈淪於茂草。陳寶西祠之日。兵革滔天。彗星東出之年。典章委地。天恐斯道之遂墜。於是乾坤貞觀。蒼龍徵毓。聖之祥。嶽瀆誕精。黑帝啟降神之兆。徇衰周之木鐸。振弱魯之金絲。蕩蕩乎民無得而稱焉。諄諄然天之所助者也。夫子姓孔氏。字仲尼。魯大夫叔梁父中子也。帝高辛之苗裔。殷天乙之雲仍。自胤卵生商。集其球於九有。

龍旂克夏。俘寶玉於三朧。抱器來朝。輔尋續賓王之緒。循牆下走。鼎銘高讓國之風。帝王之家。篤佑乎聖哲。明德之後。誕生爲達人。荷六七作之聲。靈應五百年之元會。星樞繞電。煥北斗而騰精。日觀衡霄。抗東山而鬱秀。此非聖人之瑞應歟。至夫握貞樞而開紫籙。挺異表而法丹陵。胸垂定世以呈符。脣應陳機而吐教。雷精海口。玉書麟紱之祥。月頰山庭。金簡龜圖之奧。譬之百川學海。廓鯨波以納涓流。列曜經天。旋鳥輪而銷燭火。此非聖人之法象歟。至夫德博而化道。大有容放。諸四海而皆準。範乎天地而不過。潤之

蜀秀集

卷五

四九

以風雨而百產昭。蘇鼓之以雷霆而萬物作。觀奎壁是圖書之府。天下同文。氏房爲號令之官。百司從律。縫衣章甫。拯廢疾於頽綱。玉振金聲。起膏騰於龔俗。此非聖人之神化歟。至夫一變至道。三年有成。執用魯之大權。撫尊王之上策。始於中都宰。而道不拾遺。終爲大司寇。而家無藏甲。雖烝豚致饋。畔臣興懷寶之譏。文馬來遺。羣婢進容璣之舞。而強臣服命。卒墮壘培於三都。少正干權。遂伏刑章於七日。以至麤裘興頌。男女別乎中途。狂獄消威。父子息乎健訟。此非聖人之功用歟。至夫轍環異國。歷聘諸侯。鬱浮海之

奇思託居夷之遐想臨河返楫中流揚狄水之歌望
魯停驂去國託龜山之操時哉弗吾與也道其不行
矣夫迷陽傷足接輿傳非聖之謠擊磬何心荷簣作
譏人之語此非聖人之憂時歟至夫祖述堯舜憲章
文武陳六經而稽古述五帝而稱先易象春秋刪述
集成於闕里廟堂車服馨香嚮被於宮牆斧辰明堂
仍夢元公之位衣冠柱下還探老子之書攷制度而
酌時宜裁雅頌而歸典要絳衣北拜拱五緯之星辰
紫氣東來會八紘之風雨此非聖人之垂訓歟至夫
大禮與天地同節而周旋揖讓之序百世由之而不

蜀秀集

卷五

五

忒大樂與天地同和而廣大清明之體二儀感之而

皆通斟玉燭而洞三光撫銅渾而奠六極以通神明
之德以類萬物之情車書文軌率王路於東周斧鉞
袞裳尊帝權於南面此非聖人之制作歟至夫多文
爲富博學無名禹陵窺赤鳥之書稷廟識金人之字
稽五常於帝運追顯譽而論官聞兩觀於天災辨桓
僖而料火魯麟載筆早推赤帝之符沙鹿書編預測
黃皇之禍此非聖人之博物歟大道之傳既正斯文
之緒既續於是逍遙曳杖惻愴頽山虹梁興大厦之
悲馬鬣下荒衢之淚起妖祲於夕夢哲人其萎收返

照於秋陽遺老不慙門人築室莫由崇三版之封異
代祠牢不免坐兩楹之奠其生則榮也何如其死則
哀也何如近聖人之居若此甚也去聖人之世猶未
遠也七雄出而猛獸橫諸子行而洪水熾秦皇一炬
化詩書爲埃塵楚人交爭淪禮樂於河海三綱夷而
九法滅千鈞重而一髮微洙泗之風五世而莫斬鄒
魯之緒再傳而代興夏棟周牆述規模於三代經邠
藝苑開著述於百家用使典籍修明王者法聖賢之
治文章炤爛士林尊儒雅之宗此非聖人之洪緒歟
經緯天地參贊陰陽匹夫而爲百世師一言而爲天

蜀秀集

卷五

五

下法所以名鈞兩大而手不假尺寸之權撰合三精
而身不藉短長之柄十翼之苞符由此而洩九疇之
陰騰於茲畢宣六籍出其緒餘萬世奉爲儀表山河
代謝昌平之舊澤難湮兵火銷磨孔壁之遺經莫燬
易有之唯深也故能通天下之志唯幾也故能成天
下之務斯所謂備物致用立成器以爲天下利莫大
乎聖人者夫皇家甄靈貺於天綱張洪鑪於地紐實
沈麟鬪決九霄而聚形雲函谷龍興奠八維而清赤
縣今天子鍾上聖之睿表膺下武之丕基日重光而
月重輪山益輝而海益潤金戈上指廓太紫之鵬雲

孔子廟堂及學館有破壞并先來未造者遂使生徒無肄業之所先師闕奠祭之儀久致飄露深非敬本宜令所司速事營造九隴縣學廟堂者鄉人之所建也左控金沙之秀中包玉壘之奇環黑水爲襟流枕青城爲屏障錦江北轉旋地軸於星關字滿東迴煥人文於天府井絡參旗之域黻冕宏興會昌建福之鄉歌歛湊集江漢所滙世載其英靈巴蜀之風上比於齊魯開石室而授經齋刀布而就學臨邛父老談虎觀而傾風益部耆舊講鴻都而變色由是起中天之雙闕鬱冠山之中堂抗華星於疎櫺決浮雲於上

蜀秀集 卷五

棟壁池凌漢納泗水之涓涔禮殿浮空挹尼山之燐屑植毛虞於廣路標玉題而高驥岌宇巍宮蔽廟楹之爛朗樂縣金奏答殿壁之鏗鏘崇構於西京鳧旌遠樹萃學徒於南郡馬帳高懸縱頓水雍宮未復杏壇之制而武鄉文室爰開梓里之風銀青光祿大夫譙國公崇義國之屏翰世載元良珪葉分符抗藩垣於蜀郡金枝鏤牒襲帶礪於宗盟神堯皇帝以聖武開基剖玉符而封貴胄河閒大王以懿親纘緒分鐵券而擁名都鎮鶉野之上游控蠶叢之遠服專閫之旌旗霧列雄州之棨戟星羅八座遙瞻布霜威於

玉策旁敷奠中黃之鹿野紫極宵朗黃晶夜輝露玉
升中辰旒馭下旅爇越雉測西海以來王鷲鳥靈夔
隨南車而嚮化敢距防風之海投骨專車孰憑貳負
之山枯尸疏屬九頭建紀六羽提衡啟玉檢而發金
泥抉赤文而披青字文昌貴相綴七曜以同明帝座
句陳控三階而居正丹霄朗布下燭八埏綠圖禁啟
上暉兩極江茅鄙黍允浹乎休徵廚蕙階莫並茁於
盛世猶復衢尊置飲詣社首而封泥汾鼎重光幸魏
睢而薦策大典備矣成功懋矣由是雲師扶御翹朱
鳥而行觀風伯前驅建翠蛻而出震屬車霆奮蹕路

蜀秀集

卷五

五三

颺徐通輦道而臨漸臺乘祇車而出谷口天門海日
浮紫蓋於徂徠月觀朝霞捧朱旗於梁甫封禪之儀
旣畢臨雍之典聿修望曲阜以迴鑾過雲壇而按轡
伐鼉鼓於圓橋之側縱鯨鍾於璧水之傍釋菜尊師
再覩兩廡之禮器升堂拜孔重瞻四壁之琴書高祖
武德二年已立先師廟於國子學顯慶二年改稱先
聖遂以乾封改元正月辛卯下詔追贈太師增修祠
宇以少牢致祭其裒聖侯子孫並免賦役咸亨元年
五月丙戌復詔曰宣尼有縱自天體膺上哲今兩儀
之簡易爲億載之師表顧惟寢廟義在欽崇諸州縣

天井五潢高映分露液於咸池金心在中汎愛而容
厭銀手如斷謙尊而彌光司馬宇文公純河南雒陽
人也北周天子之冢嗣抱玉歸藩西州都督之重望
建牙開府備官河內授子翼以折衝胙土膠東任君
文爲將帥恆星夜朗耀郎位之崇階秦室秋高挺申
侯之異質縣令柳公明河東人也毓霍太之精炳呂
梁之秀利矛戟而森藉耀纂組而煒煌流汾澮以澄
奸源敦唐魏以植薄俗素絲載組遙臨石紐之鄉墨
救攸分遠控天彭之野獲神僊之妙境玉署蜚榮入
風月之清關銅章廁列鳧飛花縣仙吏崇班馬去桐

蜀秀集

卷五

五

鄉神君作宰衙官早散自調流水之琴廳事餘閒還
訪凌雲之筆懸精衡以馭下宏雅度以容人離堆垂
誓水之碑劍閣勒鐫銘之石顧乃嬉陳俎豆思返俗
於隆平掉弄衣冠欲變民爲儒雅宏規大啟新廟攻
成瞻縹筆而情怡聚青衿而神踊閭閻仲行居高第
之科卜序毛詩預經師之位方冠列侍執巾袞於西
階大帶儒生受傳箋於北海揆揚雄之幽藻江海騰
波吐秦宓之妙譚雲霞改色碧雞金馬擅一州聞道
之名魚壑鴻毛播四子秉風之譽將使化民成俗因
時立教從此導揚沂泗寓縣從風不僅被服弦歌偏

隅率化而已也。勃三尺微命一介書生。覩南鄉之神容。登天莫及。聆東家之緒論。觀海難言。泰山之於邱垤。類也。河海之於行潦。亦類也。雖不能至。然心嚮往之。嗚呼。金木代興。薪火久絕。徒使蹉跎兩柱。莫由近至。聖之居躑躅重檐。不敢窺百官之富。望几筵而隕涕。瞻樽俎而威容。可哀也。夫敬作頌曰。

聖祚陵遲。羣黎亂道。九寓雲飛。三宮霧擾。宣聖誕命。景貺自天。肇有人宗。遂開師傳。斗鬼威神。岱宗毒秀。素精晝聚。蒼靈夜覆。娥水肇迹。景山發祥。二老來庭。五龍繞房。代天而興。至人無像。下苞泰元。上鑿乾象。

蜀秀集 卷五

五五

興周不合用。魯幾成。彼婦往觀。三月而行。變齊六年。保衛一紀。游陳適蔡。歸與小子。爰述五德。用續六藝。明脩春秋。幽贊大易。耀鉤垂彩。運斗陳樞。刪詩訂樂。攷典稽謨。博我以文。約我以禮。及門三千。儒服濟濟。梁木旣壞。箕裘式微。山靈暗哭。海水羣飛。赤燁重淪。黃星再兆。劔搖三光。旗聳八表。我朝肇基。匡難解琴。撥亂以武。致治以文。奠玉告天。泥金封岱。赤旂霄絳。珠旒星碎。爰詣闕黨。載瞻頓宮。華闕聿構。朱堂是崇。歲時鼓歌。以澤庠序。穆穆和風。祁祁興雨。拊石鏞金。總干樹羽。顧瞻車服。睽懷牖戶。大文旣耀。斯道遂昌。

儕功五帝等烈三王顏曾入室游夏躋堂素王之靈
日月齊光

蜀秀集

卷五

五十六

天
乙
川
八
〇
x
1



此書在善卷三王顏曾入室游夏躋堂素王之靈

擬王子安益州夫子廟碑

毛滄豐

粵自三王旣沒。鼓鐘遺風。雨之靈。五霸代興。玉帛兆
干戈之釁。荆楚以牽牛肆虐。蠶食諸姬。嬴秦則牧馬
受封。虎耽中夏。雖召陵責貢。威輪問鼎之雄。踐土繼
盟。智逞曳柴之狡。然四海自茲不靖。三綱由是而淪。
禮樂不明。韜鈴肇起。故宮禾黍已成。講武之區。洛邑
冠裳無復。同文之盛。蒼黃甚矣。黎赤何依。乃赤烏兆
瑞之年。東樓造訪。白馬來賓之歲。南亳旋封。屋社雖
湮。秀麥抱傳家之器。天潢尙衍。分茅欣開國之符。爰
聚族於商邱。冀發祥於奕葉。顧惟明德必有達人。嗣

蜀秀集

卷五

五七

禱尼山秀。擯乾坤之祕。慶餘闕里英儲。嶽瀆之精。吾
道不可終衰。斯文於焉復振。北面受素王之命。日月
重光。東家傳至德之聲。山河改色。夫固基萬年於有
道。集羣聖之大成者矣。夫子姓孔氏。諱某。字仲尼。魯
國陬人也。靈鍾蒙繹。鬱佳氣於龜冕。秀孕泗沂。發幽
光於麟鳳。水精繼王。紅雲生繡紱之華。周德其衰。白
璧吐玉書之字。千年有屬萬物知歸。非滄海不能納
細流。非泰山不能卑土壤。戲呈俎豆。垂髻博知禮之
稱。獨荷箕裘。束髮丁少孤之厄。孟皮多疾。抑搔而痛
癢。關心防莫崇。封拜跪而春秋隕涕。遭家多難。於人

罔尤凡出入之不踰悉從容之皆中聖人之生安也
若乃繼往哲之傳心開後賢之先路餽饌百家之
液笙簧聆六籍之音博學多能擊蟲絲於木鐸刪詩
定禮緇橐簡於緇帷字挾風霜斧鉞絕獲麟之筆案
研河洛鬼神呵豕象之詞聖人之述作也若乃委乘
盡職司寇竭忠慶大道之或行自不言而悉化麤裘
弭謗宣德教於中都鸞輅從盟振威靈於夾谷文人
無行巧簧甘兩觀之誅公室有權藏甲出三都之蓄
周公入夢當報政於期年女樂偕來並同歸於侵邑
聖人之幹濟也若乃擔簦就學負笈從游藹藹吉人

蜀秀集

卷五

五

蜀秀集卷五

濟濟多士既聚談而莞爾亦列侍以間如弟子數千
撰杖盡一時之秀門人七十搥衣羅三代之英叩脛
明倫示絃歌而取瑟及肩在望親杖履以窺牆互鄉
之童子何知拒焉已甚達巷之黨人善問博也胡傷
聖人之教澤也若乃歷聘諸邦栖皇異國寄鄉心於
雲樹悵皓首於風塵齊歷八年夢斷釣璜之兆衛經
三至神游酒誥之遺匡邑鳴琴作替人於陽虎者郊
微服招逐客於桓魋周廟金緘下問得姬公之籍楚
江萍實高談窮倚相之書聖人之游歷也若乃借攻
玉於他山誓斷金於白水館人有脫驂之贈程子有

東帛之迎。寡過未能感。遙情於伯玉。善交久敬。欽雅
範於齊嬰。掩袂送東海之遊。賞音惟摯。理琴奏南風
之曲。從學有襄。紀鳳能知。鄒子朝而青雲就。問猶龍
莫測。老期去而紫氣長留。聖人之聲氣也。若乃世外
遺民。田間隱士。笑轍環之已遍。譏匏繫以無成。鐸韻
淒清。隱几而封人請見。磬聲慘淡。過門而荷蕢何來。
歌鳳與言游。子悵接輿之謂。殺雞止宿。勞人親植杖
之容。落落吾徒。滔滔斯世。結雅懷於泉石。緬高躅於
煙霞。聖人之遇會也。若乃尼谿見阻。書社不封。誠大
道之莫容。豈彼蒼之厭亂。浮海而乘桴。竟去從我。其

蜀秀集

卷五

五

誰臨河而返。駕遄歸。知音有幾。江湖雖渺。望魏闕以
魂飛。林壑縱甘念大廷。而意遠。聖人之否塞也。洎夫
絕學明焉。頽綱振矣。傳薪肇緒。延一綫之宗。功負杖
行歌。兆兩楹之妖夢。山頽木壞。悼景仰以奚從。地裂
天摧。溯師資而不再。然而金聲未斷。恍聞洙泗之濱。
玉籙遞更。不改昌平之里。非天下之至神。其孰能與
於此。既而二周西入。當年之九鼎潛移。六國東并。此
日之三河失統。上稽秦漢。下及陳隋。教化不行。綱維
悉弛。黃埃匝地。千重白馬之軍。赤暈摩空。萬騎黑山
之賊。國家庶蘿圖而臨天下。坐松棟以御寰中。高祖

武皇帝則出水火以救民師同湯武馳櫓槍而伐暴
德洽唐虞太宗文皇帝則萬國衣冠拜冕旒於日下
九天闔闔開宮殿於雲間皇上繼列聖之洪圖肅一
人之法號祥書玉牒基奠金甌丹甌白環隨地圖而
入貢旅葵越雉累重譯以來歸六合瞻雲瑞氣著朱
符之盛九州捧日祥光欽玉燭之調祕閣藏經傳之
百世園橋講學觀者萬人秋禮冬詩釋菜煥環林之
色東庠西序采芹生璧水之輝覩物類以胥和卜天
庥之滋至然而唐堯膺錄觀河有刻玉之遊虞舜垂
裳巡洛有披圖之幸由是乃選吉日卽協靈辰扶雙

蜀秀集

卷五

五

鳳於雲中駕六龍於輦下周王元圃乘八駿以親臨
夏后瑶臺御二龍而迅至夾道之濃香遠馥芳草迎
鑾兩行之華旒高擎落花繞轡翠虬南指凌風而黃
蓋當中赤驥東巡冒雨而綠旗半捲玉芝瑤草含芳
碧壇之旁玳檢金函輯瑞元壇之側至誠可格大禮
告成祀上帝以享明馨緬先師而懷遺範於是迴輪
轉輅下臨曲阜之郊駐驛停輿便稅泗濱之篤乾封
元年乃下詔曰可追贈太師九原可作應憐雨露之
恩百代如新恍託風雲之會咸亨元年又下詔曰宣
尼有縱自天體膺上哲合兩儀之簡易爲億載之師

表顧惟寢廟。義在欽崇。邇聞諸州縣。孔子廟堂及學館。有破壞。並向來未造。生徒無肄業之所。先師闕奠。祭之儀久致飄零。深非敬本。宜令諸州縣。速加營葺。九隴縣學廟堂者。大唐龍朔三年。鄉人之所建也。爾其境分玉壘。地接銅梁。巨壑南馳。攢峰北走。岷隅之所控井絡之所交。險據公孫。闢雄圖於躍馬。魂歸望帝。留恨事於號鵠。司馬臺荒。過客停車。而問子雲亭。廢游人載酒而來。於是全蜀英流。兩川髦士。因三農之餘暇。陳複道之洪規。一道紅牆。落虹蜺於躡路。千株翠柏。吟鸞鳳於瑤階。庭生靜夜之香。猗蘭繞戶。牖

蜀秀集

卷五

五

植恆春之樹。文杏當門。十哲旁參。諸賢列配。每至龜城。春雨。觀草木之榮滋。犀浦。秋風。悵江山之搖落。莫不蘋蘩潔俎。椒桂盈樽。魚貫鏘鏘。鳧趨肅肅。仰聖神而若。在行禮敬於質明。雖牽牲釋奠之儀。尙勞元后而率屬。致燔之典。實賴重臣。銀青光祿大夫。譙國公。諱崇義。大武皇帝之支孫。河間大王之長子。姬旦以懿親。出牧南國。分符陳思。以貴胄。就封東阿。紹印巫山。猿嘯霏雲。十二之峰。錦里鶯啼。零雨三千之路。銘探劔閣。夢落刀州。幃幃建節。金泥邀八命之崇。棨戟開藩。銀綬作一州之率。司馬字文公。諱純。河南洛陽。

人也。玉葉金枝。皇根帝緒。郭有道。典型東國。龐士元冠冕南州。祀雞化鳥之邦。巾車鄭谷。叱馭蹲鳴之域。束帛嚴簾。霜鏡宵懸。踰月而村。麈不吠。冰壺晝澈。澹辰而市虎。無咻縣令。柳公諱明字太易。河東人也。以紫禁之仙郎。作青郊之良牧。彈琴月朗。初非展驥之期。懸榻塵生。聊試烹鮮之技。汲黯長閑。卧閣劉寬。無事懸鞭。刀劒賣而牛歸。囹圄空而鵠集。霧壓鬱林之石。灑水無波。星還合浦之珠。貪泉不涸。深蘇民困。煦嫗黃童。刻勵官方。提攜赤子。江漢之謳。誦競作典。重

膠庠賓渝之教化。聿彰材歸學校。遂乃上承優詔。重

蜀秀集

卷五

六

三

新寢廟之規。下洽輿情。共覩宮牆之峻。將使圓冠列侍。同十子以升堂。博帶諸生。並四科而入室。於是笙童夔叟。半屬通經。漢女巴姬。亦知習禮。碧雞詞客。頌成擲地之金。白鳳才人。字問造門之酒。豈徒君稱上德。四境歸仁。宰是神明。萬家禱佛而已哉。勃鹿鹿何奇。狙狙有志。毫揮五色。空流藝苑之聲。書下十行。浪博文場之譽。仰惟神化。莫罄形容。悵言葉之無芳。嘆詞條之就萎。况登山而小魯。於義難辭。縱游海而望洋。當仁不讓。乃爲銘曰。

聖王不作。道統無歸。麟藏鳳隱。魚躍鳶飛。伐檀丁甌。

絕糧被圍魯邦不振周室其微大哉孔子自命非薄
易象能觀春秋有作聖域奮登賢闕式廓至德無名
繼周而爵河嶽降靈乾坤正氣師表人倫甄陶品類
列席須珍養鋒待試隅俟反三教惟用四九州擇主
萬象披圓命求先楚使賜說吳不知不識何有何無
茫茫緒墜落落徒孤詩書既刪禮樂就秩一貫有傳
兩端無失道雖不行教亦多術戒鯉面牆進由入室
道範云遷斯文是主稱到於今慨焉終古夢渺西京
神遊東土周公之周魯公之魯皇家受命鷹圖罔極
輯玉告功云亭紀德軫念聖神眷懷軌則爰煥新模

蜀秀集

卷五

不加舊職七盤度關九折走坡興往情來志高意遠
玉壘風清金城俗愿載啟蘭階重開杏苑欽瞻堂陞
肅立庭除質旁若在臨上如初學宮桂老泮水芹疏
聲聞絲竹樂有琴書今古代遷江河日下卽之也温
學焉則寡紫惡奪朱鄭乃變雅生民以來夫誰及者

擬柳子厚乞巧文

毛瀚豐

柳子旣謫。羈於零陵。幽憂憔悴。章狂非人。惜曰。此拙之效也。於時秋孟。散步中庭。瓜果飮色。餽飮流馨。河漢挂屋。涼氣射燭。駉婢稚女。折筵匍匐。顧問所以。軒渠而笑曰。今者七夕。天地之女孫。將修故事。降儷弗於漢東。要而祠之。幾憐而與之巧。自長安貴人閭巷。閨閣歲有是祀也。柳子曰。若然。則天孫之所與巧者。亦多矣。而吾未之前聞。無惑乎人皆巧而我獨拙也。雖然。庸有徵乎。老媪進曰。志之虔。祀之潔者。質明視之。盤有蛛絲。是爲巧。徵柳子聞之。蹙頰疾首。慨然歎

蜀秀集

卷五

李四

曰。咄。天孫其將以巧爲人世糾纏耶。然而吾困於拙久矣。倘可因是。被其不祥。吾亦無靳焉。於是正襟拂衷。加弁束帶。斂氣屏息。扱地再拜。稱臣祝曰。在昔汾陽。德動紫閣。無意而遇。家國以昌。下臣賤辱。仄身重足。人世所棄。寃菀心曲。天路幽曩。訴不見錄。伏望靈駕。暫駐華轂。祝畢。偃僂待命。疲極欲寐。至夜半。恍惚若睹。有朱旛絳節。蜺旌羽葆。降自空際。中一人。丹裳素舄。雲衣霞帔。天風虛徐。冷然而至。薄怒頰頰。若不耐煩。執簡凭軒。召之使言。乃蛇行泥首而啓曰。竊聞天孫。獨擅天巧。下憫愚庶。不惜至道。臣有大拙。萬冀

所羞明明坦途忽成山邱他人羊腸萬一推軻臣所
措履平地戈矛身叢瘡瘡口集譽尤臣罪何辜何術
之謬帖耳脅肩舐痔吮癰首下尻高膝加於胸伺喜
而聽警憂而恫奴叱狗咤惟頤之從出而欺人勁節
貞松昏夜董秦白晝原雄臣甫欲學眾口洵洵狼馴
虎伏狙昵狐媚依倚肘腋探刺陰事腹劍口蜜舌者
心醉覆雨翻雲抵隙射利高車大馬津津得意臣苟
學之將市之肆世祿之祕善禱善頌動曰周孔動曰
姚宋臣譽未半怒臣隱諷稠人廣坐投刺驚眾起立
迎侍嚴憚威重臣從致敬疑臣戲弄曉曉者缺皎皎
蜀秀集

卷五

五

者汗羣蚩黷飛非蒙則愚循牆學步反謂迂拘冠履
簡脫言笑譁浪凡今之人風流相尙寸矩未越已謂
放蕩天衢多士車笠殷鄰聯騎疊駟重席累茵遊譚
雷响讌聚雲屯標榜名字擺脫埃塵臣何聞然獨居
無鄰強顏攀附唾棄不倫巍巍朱門楔偷是守狺狺
磨牙臣見而走十往九拒戰慄汗忸巧者撫摩搖尾
弭首臣入甫坐欠伸抖擻巧者諺諺呼灸行酒臣入
卽出巧者至酉雜致五鯖罽印如斗庖宰兄弟闍豎
父子壽妾萬金屋拜阿嬖彼狻得計臣實愧恥非臣
有德臣命之否有物在心握使不徙天孫何偏酷臣

若此相彼變婉柔曼逶迤促步顧影搔頭弄姿獮狎
蹠齧一見而嬉胡鑄臣形醜如植緒脊脊鐵挺面目
塵縑出入平原後宮嘻噓巧夫趨踰罄控周旋跪起
輕捷曲折間安臣若滯鈍骨強脈堅長揖將軍蹇澁
蹒跚眾人鼓頰肩吻瀾翻噤不作聲暗如寒蟬探喉
搜腸不得所宣授人以語百口稱賢往續其說頓倦
欲眠勉效俳諧四座默然制章緝頌顯與時背人方
澗湖已獨顛齡世牽媿媿已乃戛拔雕肝鏤腎模形
繪態句桀字戟愕奇怖恠出貢顯者百不一愛經營
貨殖奔走婆婆如願而副過望之奢金玉滿堂地曳

蜀秀集

卷五

六

綺羅臣求其術所望匪多不解鉤距億乃屢蹉妻嘯
兒號動罹咎訶蟬冕豐貂光映炫晃暮在泥塗晨軼
雲上厥操何道跬步反掌往叩其要教臣曰枉就欲
小試冬月泚頰彼騰霄漢臣儕儻胡彼能揉臣不
可強凡此狂惑臣久滋疑今知其詳巧者所擠彼巧
亦人胡獨我欺敢望聖靈俯徇臣私易臣醜黠假臣
淑姿去臣謇訥導臣合辭曲矯直心利淬鈍舌酬酢
如流舞蹈中節聞聲相思見面大悅鬻碑賣賦奔車
覆轍三歸五鼎八座九列無不如意鑒臣之拙有頃
仰首彷彿見天孫憑軾注視若有所思徐曰子非吾

支機之石耶。子不我戀。私游人閒。附槎入蜀。戴塵若
山。逮今千載。迷不知還。形人石心。不改汝頑。汝所禱
求。詞極辛酸。汝我舊物。豈有吝焉。第吾所司。閨閫
媿。織紵組繡。厥技伊夥。柔嘉順正。珮玉笑瑳。爭妍
取寵。此乃在我。汝則男子。事異媿娜。必求吾術。易筭
乃可。况汝所言。汝非不識。幸不鄙夷。一蹴可得。汝目
不盲。汝鼻不塞。苦別薰。猶好辨黑白。經崇於中史。盡於
側顧。惜行檢。自不肯。卽巧夫見汝。狼狽避匿。奚我是
詭譎。誑胸臆。汝自謂拙巧。亦有之。祇廉礪孝。扞禮揚
詩。謝絕時譽。陰爲後規。魯祿奠士。久速異期。拙乃大
蜀秀集 卷五

七七

士。巧者大癡。汝盜夙矣。尙何乞爲。柳子聞言。口哇目
瞪。顧吃其指。稽首而退。不敢再訾。沒世無怨。自號拙

恭擬克復烏魯木齊露布

楊銳

臣聞弧矢垂芒。南極埽封狼之燄。韜鈴握勝。中皇張
涿鹿之威。聖人不得已而用兵。止戈爲武。王者本無
爲而出治。舞羽敷文。是以夏后乘乾。收斟鄩而殄澆。
商宗馭寓。撻殷武以哀荆。周宣王興休父之師。徐戎
偃革。漢世祖命伏波之旅。雒將來庭。古有中興。今逢
大定。欽惟我

皇上。祥光堯甸。道炳羲符。圖呈益地之祥。舞戢刑天
之暴。丁零子合。薄海從風。烏秣驪歸。環疆奉朔。緬自
聖祖仁皇帝。蕩平青海。聲討丹津。開庫克淖爾之幅
蜀秀集

卷五

五

五

員受鄂齊圖汗之景附。則有和碩特六部阿拉善一
旗。並奉梯航。願歸屬籍。

世宗憲皇帝。懷徠察罕。敕定伊犁。建北部於鄂爾昆
河。闢西陲於哈薩克境。則有科爾多屬國烏梁海同
盟。悉就羈縻。敬聽徵調。

高宗純皇帝。西平準部。南服回域。戮阿睦撒納於窮
陬。斯博羅尼都於絕塞。

仁宗睿皇帝。伸威蔥嶺。置吏莎車。

宣宗成皇帝。底績新疆。削平逋寇。則有霍集占之蠢
動。授首昆侖。張格爾之狂昏。歸元渤海。額魯特編旗。

而受吏葉爾羌奉賚而稱臣南北單于進康居之茅
苴東西突厥來漢使之葡萄偃兵凡二百餘年守藩
逾五十七部屬以潢池盜弄關隴空虛蠢彼回首凶
其水草非馬非驢之類爲梟爲獍之謀踵藥羅葛之
存心妄窺漢地具軋犖山之反相早辨胡雛盤踞伊
涼德陵大夏鬼方歷數年而未克羌患自三代而已
然關阻高平來歙轉遭乎蜂螫城危疏勒耿恭幾陷
於羶腥自頃電掃江淮氛銷梁宋河北於時帖息關
中以次滌清如彼白彥虎之么膺不過古回鶻之遺
孽乃敢僨張螳臂構煽狠心積歲創懲舉族撐拒未

蜀秀集

卷五

五

離商網暫寬三面之誅仍奮蚩旗專肆八肱之悍追
游魂於狼望偷假息於翠軒據古牧地爲窟巢結安
集延爲醜類國非白布輒效纏頭冠甚黃巾直思繫
頸紅廟子建牙之地竟爲狐兔所憑西樹見孔道之
衝儼以鯨鯢自絕媿羌媽塞一望風災鬼難之區柘
羯蒲犁幾成左袵匪裘之地罪難髮擢理合鬻誅月
支之頭必梟匈奴之臂須斷臣等忝專閫寄恭稟
廟謨荷

聖天子神靈藉諸大夫謀勇金積堡城之克靈武廓
清玉門關路之通敦煌警慄酒泉鹽海陸纒底功瓜

州柳城後先奏捷城收哈密遂開道於蒲昌山盡祁連已拓疆於栗陸握六韜之龍虎擁萬幕之熊羆雲鳥風蛇九天九地朱綬貝冑三遂三郊長沙陶侃之軍蒙古伯顏之隊征南騎士爭投距而宵嚴安西將軍誓滅賊而朝食虎頭猿臂相盡封侯鸚鵡鷹揚心惟敵愾謹派總理行營營務布政使銜西甯道法福凌阿巴圖魯臣錦棠率所部馬步各營會同伊犁將軍臣金順前茅後勁左旋右抽披灌莽而啟行逐清泉以就飲從巴里坤拔柵督騎長驅至濟木薩安營詢賊尙遠深林密箐思度積之良難衰草寒沙欲拜

蜀秀集

卷五

七

川自十一

井其安得乃避黑溝之險別出黃田之奇譴呼殷天畚揭竟日引水作塹連沙起城此六月十九日由阜康縣東九營街進軍城西十里之大槩情形也清流疏通堅壁周建劍一揮而捲甲溝三刻以投鞭聲東擊西四正四奇之陣避虛就實十盪十決之兵微虎之眾宵攻吳軍遽拔令狐之師夜起秦敗不支於時騎隊則陝安鎮總兵臣虎恩提督臣萬鵬總兵臣鼎金兩翼環張萬蹏簇布金鞍鐵馬辛慶忌之華騶銀刃雕旂王智興之勁旅步隊則甯夏鎮總兵臣拔萃漢中鎮總兵臣上連提督臣元亨臣宏勝臣慎典臣

秀齋副將臣俊參將臣福祥等整齊鑊鼓淬厲戈鋌

金僕姑之怒鏑星飛佛耶機之神銳靈震復派知府

臣長祐臣珪諭提督臣春發副將臣仁和等時乃練

糧督乎輜重盡馬騰而士飽宜分道而揚鑣委任既

專部署咸定楚城當拔人須王翦之謀漢祚方興神

授張良之算計彼軍之烏合腹敗披宜我陣之蛇

蟠首擊尾應騎則利於包抄而合擊步則宜於挑戰

而橫衝馮道根匹馬無前銜枚疾走王鎮惡短兵相

接稱妮齊行乃驚敵以虎皮遠拔策於獸角文城十

里吳元濟之洄曲已空桂管三更儂智高之崑崙徑

蜀秀集

卷五

五

度此二十二日攻拔黃田賊壘之情形有如是者是

時要隘既得精銳益張我已如策馬之臨厓彼乃類

匿籬之在穴猶復堅城自負修壘相連暫偷蝸角之

安罔識鴉音之變夜郎自大妄恃公孫瓚之百樓虞

庭分爭豈敵長平侯之五道遂陳師而鞠旅連斬馘

以塞旗於斯時也鞀鼓喧天旌旂而地軍如鶴子隊

是鴉兒曹公以霹靂爲車岐伯以靈夔作鼓發紅毛

荷夷之礮地軸掀翻拔白頭回國之旗天關奪取偪

陽斷布秦董父援之先登陰平裏壘鄧土載推之俱

下斬紅衣之賊目敗竄懸頭繫白帽之夷酋跪迎勞

面劉盆子既破甲堆與熊耳山齊吐谷渾將亡兵覆
在牛心坡底此二十四日攻克古牧地二十七日轟
塌輯懷城連日獲勝情形有如是者自是敵壘盡夷
賊庭垂近九頭俱折十角當阬尙恐熱之將亡行逢
婢婢金烏珠之旣敗輒喚爺爺搗穴而犁庭遠夷
山而殄谷魚麗月暈合漢將之長圍鶴淚風聲料秦
兵之短命斷乞臧遮遮之首大眾心寒射赫連勃勃
之營全軍氣沮乃以是月二十九日人謀協應天討
恭行秋至卽誓師之期月闕乃亡胡之侯翦平多姐
馮奉世聲震諸羌收拾贊婆郭元振威行四鎮沿山

蜀秀集

卷五

七

部落徹地奔亡五原之壁壘煙消九姓之羌渾星散
方爭逐北直抵安西車師之門洞開翎侯之旗盡靡
築成京觀居然相柳之臺繞過渠犁豈有桃槐之國
且行且戰擒賊擒王於是烏魯木齊鞏甯城迪化州
迪化城一律掃除羣黎感泣限佻離者千里阻聲教
者十年遺黎見司隸威儀絕域立中書行省關氏蹀
血宜臬朱雀之街壯士高歌競踏白狼之壘餘如瑪
納斯之斥堠呼圖壁之卡倫瓦爾吉之軍屯羅克崙
之營汎以及天山北去則有惠甯綏靖之城戈壁南
踰卽當烏什和闐之路乘茲破竹斬彼樓蘭知列鎮

望風而降計全疆指日可復賊勢已摧枯拉朽何待
三驅我軍方去穢除殘行當一鼓花門柳塞同安赤
子之生火浣金塗立受烏孫之貢奏龜茲國清平之
樂羌遂胡琴勒燕然山典麗之文大書深刻從此宜
禾北部永無纖芥妖氛懸知美稷西河益應豐穰吉
語是皆我

皇上神威遠震

景運攸隆信

東眷之方長識西夷之且盡月氏日逐命訖輪臺雷
轟蜺羅流歸淳海故能一弦不折三箭無驚殄狂虺

蜀秀集

卷五

七

於鄒屠殛神姦於疏屬秉風后陰符之略六甲圖開
讀穰苴司馬之書五申令肅盟堅白馬復將相之同
心約重黃龍懾疆梁之冥魄班定遠生成燕領猶當
食肉胡中張仲堅漫詡虬髯止合垂涎海外長安獻
伏許獯鬻爲外臣孰敢鳴張視防風之前例此日靖
北庭而奏凱行收三十六國之版章他年竟西海以
爲疆直邁七十二君之封禪臣等無任慶忭軒轅之
至謹奉露布以聞軍資器械別簿條上

吳客問於西蜀主人曰。子蜀人也。蜀之事能言之乎。曰。能。子盍爲我備道其詳。曰。蜀之開疆實爲梁州。蓋東井之維首也。爾乃葭萌蹲其前。靈關肘其後。青衣帶其左。雙江包其右。倚之巍如躍之茂如。呀之窟如窟之竇如。磴如礮。嶮如岫。涸成岫。若此之類。百有十所。而蜀王之都阜焉。犍牂直下而南。走褒漢斜界而北。去塹夔巫以爲門。犛峨岷而作宇。山則隆崛崔嵬。隱犛鬱律。哮礮礮確。墜膽眩目。黃鵠之所不得過。獯獯之所不敢躋。決壑恣崖。欲雲納蜺。若盤古之開大垠。

蜀秀集

卷五

七五

女媧之斷。鼇足奠天柱。而畫東西。下有瞿唐劍閣。雄關重阻。剗巖鑿嶂。扃鑰鍵戶。其差牙迴互。或豕而虺。或猊而怒。可以撐突。天關鏗絕地軸。抗函秦而陵荆。楚大江則出乎犁石。入於烏斯。浩之無垠。渺之無涯。自金川以抵益州。汨乎牂柯。淫乎邛池。日月之所迴。旋星辰之所涵。淹澄澹汪。洗瀆混困。泣泓泫洞。潑滂鄰圃。潏白龍命鼈。馮蟪蟊。之屬奇詭畢萃。翁氣枯澤。吐沫沸川。每水自萬山而下。影畧大塊。滿滂巨壑。砒崖轉石。雷轟電錯。天柱觸之而折。巨靈當之而汨。浩浩汗汗者。蓋數千里。至荆門而一束。然後洩爲澄。

瀾。汪。濊。淳。涵。激。之。包。圍。濬。之。陶。潭。植。桑。則。柔。播。穀。則。甘。故。蜀。土。之。富。沃。饒。險。固。悉。數。之。所。莫。能。殫。子。以。爲。何。如。吳。客。曰。美。哉。山。河。之。固。此。蜀。國。之。寶。也。然。開。明。域。之。而。亡。公。孫。國。之。而。破。張。載。有。言。興。實。在。德。險。亦。難。恃。請。置。此。而。聞。其。他。

主人曰蜀之山中異材所生營宮室者咸於是運斤焉其始窮陰沍寒急景凋年朔氣被野陰風振天千巖赤萬山赭百草死羣木槎然後鬱爲真材以枉則直以梁則堅蓋以斷度虔遷支高棟而撐大廈每歲十月匠氏操斧以八椽之丁丁削之登登儼如赴敵

蜀秀集

卷五

七

上

之。兵。主。客。相。搏。戈。鋌。翠。而。金。鐵。鳴。又。若。羲。和。敲。日。而。作。玻。璃。之。聲。并。州。之。刀。魯。地。之。斧。宋。國。之。斤。粵。人。之。鑄。充。犴。乎。郊。垌。目。營。不。瞋。手。揜。不。停。飛。屑。爲。雨。然。炬。爲。星。旣。乃。斲。爲。大。材。浮。之。長。江。木。蘭。檉。桂。杞。櫛。椅。桐。櫻。枒。楔。樅。又。有。建。昌。之。產。懸。崖。絕。蹤。山。精。妖。孽。木。魅。賜。睨。膏。血。斷。而。瀋。液。空。於。是。剗。錫。及。剗。銅。鋒。鏗。鏗。鏜。鏜。鏜。鏜。湫。洶。洶。樾。爲。木。棧。牢。以。渾。脫。畢。乃。流。於。急。瀧。焉。旋。濃。滎。滄。瀆。瀑。湜。澗。觸。山。靡。碕。石。碎。前。者。汨。後。者。起。洪。濤。瀾。泝。一。息。千。里。由。是。浮。淮。繞。泗。歷。楚。傳。梁。章。華。廡。邠。長。生。未。央。柏。梁。建。章。之。巨。麗。兔。苑。繁。臺。之。高。驥。

咸是之所擇良也。若是何如。吳曰：山有木，工則度之，非爲國之事也。

主人曰：朱提之銀，麗水之鑿，嚴道之銅，剛氏之鑛，火段水淬，爲利斯廣。方其錮深山，藏陰崖，伏獅虺，攫羆豹，人跡之所不到，叢薄紛其相埋，金精夜騰，寶燄宵吐，殷雲絳霄，欲虹噓雨，日星爲之改照，山靈爲之失所。乃召工師，穴地隧，縋幽壑，土食氣，飲蛇行，蚓伏，決地九似，錮泉三周。乃至於藏礦之窟，符采彪炳，暉麗灼爍，陰火霹靂，地氣噴薄，若迅霆出土，驚電睽谷，鏗訇隱轡，沿渠鬱律，千夫拖箱，而外曳，萬工舉斧，以前。

蜀秀集

卷五

七

刷於是出之，幽門載以銅船，爲鑪爲鑪，爲鈎爲鋌，爲鎡爲基，爲刃爲斤，爲刀爲布，爲帑爲錢，化之爲百鍊之剛，鎔之爲九成之鼎。將以輝日月而鑠山川，秦人之盧，燕人之函，五銖貨泉之積，鉤戟長鍛之鈔，可使劍決西秦，及泥江南。天下聞之，目眙心愕，拳擊匍匐，企踵而仰瞻。若是何如。吳客曰：諸侯之寶不在珠玉，况瓌鐵銀鏤，梁州之土貢也。非所以侈蜀，請求其上。主人曰：臨邛之域，鹽井所興，百世之利也。蜀人寶之以配黍稷，供億漕轉，無耗無虞，蓋假自然之利，而非由人助。徒觀其度地相基，坎石窰土，樅竹鈎銜，火井。

沸煮引巨軸以轉輪。經脩竿以縛柱。窈之而深黝之。而聖沸之而流澄之。而涸蓋其泉脈之溶漾。滋液之布。漫汪洸滂。濊歛吸吞吐沃若。湯雪墳若。斥鹵然後投以黔突之鼓鑄。滑滑汨汨膏凝雪落。若此者殆什百處下。則泉絡齋淪。陰火潛然。膏乳滋融。醜流輸灌。若神龍之潛九淵。鱗張鬣布。沛垎而成川。又如黃河之流。伏雷翥而出火。敦海沸江涸。冰碎瓦裂。星采焯耀。玉光煥發。然後漉爲醎醑。大者卯小者粒。黑者墨白者雪。彼瀘戎邛僰之間。旋磨雷速。落花霰遲。積素千里。增冰片時。觀者脣燥口沫爲竭。有鹽盈缶。雖三蜀秀集。

卷五

五

上川三十一

月淡食而何不可支。由是而負載晨道。通溝夜漚。晶瑩晶瑩。炯炯晃晃。若燭龍棲寒門。而開光耀。將以控吳引越。餉齊濟趙。凌轢鹽海。蹂躪醎池。莫不流芳。擗吻咸奉。以水精之號也。如是何如。吳客曰。山澤之富。不可以保國家。陸海之饒。未足以雄天下。子請更進。以便民之說。

主人曰。蜀之故封。肇於蠶叢。青神旣祭。利蘊以崇。故蜀錦之名。天下所譁。噪焉。歲至二月。則靜女提榼。邨婦載箔。前者于于。後者汨汨。求柔桑。採甜穀。浴之以川。戾之以風。畢乃納於筠籠。灑桃漿。打郵鼓。鼠無侵。蠅

無蠹朝啟其籃夕布以罨啞啞啞嘈啞啞無形
無狀頃刻萬葉二月已往篋簇滿盛邨姬走告繭將
成矣開戶視之則箔頭自結黏牆膠壁鞞如蛛絲餒
如乾漆大者累疊細者幕幕黃者爲葉白者爲雪是
燥是浴是燥是曝是揉是澆是抽是剝然後納於坊
肆焉其鼓梭則砰訇塊軋突怒拉雜如波濤夜裂風
雨晝昏往還轉側不可逼視雲去霧迴了無停際既
而手澀杼遲哀歛盈堆搗之以七襄之機紉之爲百
丈之絲方空斜罽而鱗絡千花成團而秀茁或朱或
黃或茜或綠絲縷布帛絀紬紗縠綿段紗絹細綵綺

蜀秀集

卷五

五九

縛充街填衢耀山炫谷蔽以江舸引以羸車沿河沂
濟駭燕誇吳魯縞不敢爭越羅不足慕也若是何如
吳客曰絲京之用可以利民矣然非所以張國也

主人曰望帝之興也褒斜爲前門熊耳爲後戶引氏
控羌鞭秦筆楚故西蜀之強號曰天府以戰則克以
守則固天下所莫禦也一旦有事則簡兵巴賈料軍
冉驍蠻焚羌戎獠獠狃狃如熊如能捷獼猴勇犀羣
淬霜戟厲星鋒殷山岳沸海江黃龍酒清之誓白馬
燒當之族以時簡閱精勁無匹劍躍流液戈彗奪目
樹旂旄迴組練飲馬邛笮鐔兵黎鍵來若河海去如

雷電函谷當之而坼長江墜之而斷嶺臺騰蹶潛沔
震眩下裂原野上薄霄漢十五五忽合而復散秦
人顧之駭膽裂魄奮呼叫囂一以當百所向靡所值
辟肉荆齒雍天下無敵子陽躍馬而稱帝李特投戈
而建業以此視之兵革之強霸王之跡也若是何如
吳客曰佳兵者凶器聖人不得已而用之古人有言
威天下不以兵革之利子姑言其上者

主人曰江漢炳靈世載其英仰悟與井之光俯仰岷
峨之精天帝運期含章挺生幽思綯道德摘藻挾天
庭碧雞流景而曜瑞金馬吐光而儀形故蜀人文之

蜀秀集

卷五

平山所文

盛天下莫與京焉溯自文翁興學度迺石室健爲文
學之倫張叔博士之列七經教授學徒鱗萃凡將之
所著訓纂之所繫毋斂說文蜀才注易常道將之地
志陳承祚之國史更有東都事略朝野雜記繫年要
錄通鑑長編諸書網羅百代騰踴羣氏下至相如王
褒揚雄之倫吐奇炫秀同工異曲豎穎山聳傾詞海
涸射洪振詩教之緒太白當詞壇之目其所著述如
子虛上林洞簫甘泉感遇古風之篇熠爛秀發濃郁
韡煥筆所未到而神鬼慘訴風濤吐吞噴雲雨納百
川洎乎成章則五都之市百貨備具結肆而連塵若

是何如吳客曰美哉煥乎文章之盛也始基之矣然猶未觀止也

主人曰三蜀之域古聖王之所基焉。汶山之精上爲井絡帝以會昌神以建福。故人皇乘祇車而出斜谷。大禹起石紐而娶塗山。金天居若水而纘洪。緒高陽生江渚而撫寓縣。逮乎赤帝勃興。肇自巴漢樓桑。應運作於武擔。自茲以來。爲陵爲谷。不可殫紀。黃星前兆。白虹後起。李勢席之而亡。譙縱據之而靡。蓋世濁則逆道清。斯順未有若茲之易者也。扶輿清淑之氣自岷阜而南。鍾於玉壘。祥風從璇璣下來。應乎鶉首。蜀秀集

卷五

全

之次磅礴鬱積。蜿蜒亭毒。亓千百年之久而靡有所底也。今

天子嗣大位

聲教藹敷

文明旆被九流。順轍八方。循軌固已侔烈三皇。儕功五帝。脩夏氏之舊服。軼漢京之上儀。生斯土者。萃萃熙熙。蹈德詠仁。學校如林。庠序盈門。緬吉甫之尹摠。眉山之蘇。繼紫巖之張。追陵陽之虞。此西州之極軌。蜀邦之宏模也。吾子以爲何如。吳客瞿然起立曰。美矣盛矣。蔑茲競矣。假矣夏矣。無以加矣。此吾之所願。

聞者夫雖有他端吾不敢請矣

蜀秀集

卷五

全

蜀秀集卷五

夫裸壤必待陽烏之翼。則窮髮不春。葭屋必待燭龍之銜。則幽室長夜。天生民以付之君。君舉民以委之吏。然則與至尊共天下者。其在二千石合長乎。惟蜀車轍始於三皇。族姓兆於九頭。旅平底績。帝媯之所經營。決壘淡災。鼈合之所孳乳。荒宵茫莫。難可究焉。迨乎錯儀並入。始築三城。憚綰胥誅。遂開兩郡。膏腴既闢。文雅代興。曾未百年。鐘鼓震於閭巷。絃歌溢於洙泗。斯非循吏之效與。然吾竊疑典午之世。奇渥之朝。或隆理未臻。或福祚不永。吏道蕪雜。無事苛責。至蜀秀集

卷五

全

於六代之搶攘。反側五季之戰爭。破碎益不足言。而太原提劍。績烈於天水。鍾離握符。迹侔乎豐沛。並享國不爲不長。求治不爲不切。然求其政績之著。且多前則讓兩漢。後則遜二宋。其故何哉。蓋朱轡熊軾。入爲臺鼎之上。公黃綬虎符。出卽岷峨之方。伯漢之守令。祿秩優渥。洎乎宋世。此制未改。宰相執政。纍纍典州。侍從郎官。每每倖郡。事得專達。令無旁掣。而唐則權歸藩鎮。鞭笞叱咤。士人顧而汗顏。明則政出監司。跪拜奉迎。奇傑折而銷骨。火齊磊落。則周來皆僑嬰之仁。廚傳蕃索。則召杜有斯。鞅之酷。轉喉輒觸。諱舉

步。卽。聖。議。儻。舍。將。腐。履。任。無。期。縮。印。未。煖。府。檄。已。下。
尙。何。暇。顧。田。疇。問。學。校。哉。此。其。故。一。也。漢。選。蜀。郡。廣。
漢。太。守。多。用。重。德。高。俊。殺。諷。尹。睦。之。流。趙。瑤。薛。鴻。之。
輩。莫。非。公。望。罕。復。卿。佐。宋。初。慎。簡。益。節。至。勞。宵。旰。廢。
寢。食。始。爲。偏。方。之。保。障。繼。抗。上。游。之。門。戶。故。甄。汰。良。
楛。蒐。拔。英。雋。極。其。精。覈。以。視。唐。之。遷。客。交。午。於。劍。門。
逐。臣。絡。繹。於。夔。峽。不。亦。遠。乎。此。其。故。二。也。長。卿。子。雲。
皆。持。節。於。故。國。允。文。張。浚。並。開。府。於。鄉。里。功。曹。主。簿。
旣。得。自。辟。本。郡。近。州。仍。許。乞。便。人。情。旣。安。吏。治。益。茂。
至。明。乃。竊。竊。焉。以。私。疑。之。以。法。防。之。於。是。鄭。鼠。周。玉。

蜀秀集

卷五

西

上

旣。所。難。通。楚。剽。吳。輕。復。多。未。悉。外。取。辦。於。胥。吏。內。委。
成。於。左。右。而。法。愈。繁。私。愈。啟。矣。此。其。故。三。也。夫。中。原。
迤。北。千。里。墳。壙。渡。江。而。東。一。望。沮。澤。無。高。山。大。陵。以。
爲。間。隔。無。重。巖。邃。澗。以。爲。包。絡。故。風。氣。齊。一。蜀。則。幅。
員。遼。闊。岨。疇。重。阻。平。險。互。異。燥。溼。不。同。陟。岩。渠。以。逾。
閭。苑。厥。分。近。秦。由。臨。江。而。至。扞。關。其。人。半。楚。一。山。環。
抱。自。別。區。宇。一。水。界。劃。遂。判。胡。越。又。當。歷。代。兵。燹。之。
後。無。復。前。世。土。著。之。民。郴。贛。湘。鄂。比。屋。櫛。居。閩。粵。滇。
黔。望。衡。錯。處。十。室。之。內。備。五。方。之。音。一。邑。之。中。雜。九。
州。之。俗。自。非。生。於。其。地。久。於。其。任。靡。不。苦。其。鑿。柄。莫。

得窾要吏治之。不古若尙何怪耶。而論者乃動曰蜀民難治。嗚呼。何其悖也。夫蜀之爲地。於卦爲坤。故多班綵於辰。爲未。故好滋味。銅山鹽井之利。荔園橘官之饒。幢布蒟醬之奇。丹穴粉水之麗。王孫好客。門內之家。僮累千。郗公從禽。道上之行人。無一鳴鐘擊鼓。玉食珠衣。奢侈成風。困窮實啟。飢寒所逼。非僻遂生。又况清名廉士。虛往實歸。曹吏賈人。東望西笑。距郡遠者千里。去州近者數程。縱有冤抑。艱於赴謝。他省之民。或明習法令。能持短長。或依倚貴達。得自申理。蜀則邑鮮冠蓋之里。戶無少鄧之書。望堂皇則魂氣。

蜀秀集

卷五

五

失聞瓊瑤則心膽碎。賣兒貼婦敲骨打髓。石壕之詩。所不能盡。監門之圖。所不能繪。勢窮計迫。鋌而走險。則草薶禽獮之。此所謂難治者也。嘗謂今之大縣。古之小國。古者侯伯各有史。竊自改州郡。闕立記注。美惡無據。勸懲不明。猶賴班范探緝於上。陳常撥拾於下。故清風亮節。振古鑠今。近代以來。復成寥寂。豈果一州之大。眞無一人一朝之中。竟無數事。殆由執筆者無古人之才耳。使沈長源何易于不遇。歐陽詹孫樵後世誰知之者哉。然信信狗吠刺起。巴人習習晨風歌。由部士必詩如詹文如樵而後可。則頌讚幾乎。

息矣。爰用博稽史冊，旁參方志，各綴其遺事，竊附於陸士衡袁彥伯之例。操刀帶綬，勞瘁劇於辛壬；醢石醜江，靈怪著於辰亥。挽銀潢以沃陸海，闢天府以納錦城。是農軒之遺臣，翳稷之餘烈也。吾得一人焉，曰李冰。繁田湔堰，黃雲盈鄭國之渠。精舍講堂，青衿隘甫田之校。笮橋則家引二水，石室則人抱七經。是西門之流澤，西河之雅化也。吾得一人焉，曰文翁。剛而不激，柔而不弛。事無留滯，罰必親決。獄訟賦役，無所擾。橋梁道路，罔弗治。簡易過於蕭曹，而擴以遠。大綜覈過於非害，而去其慘礪。刑之而民愈懷，殺之而人不怨。是伊呂之伯仲，管樂之亞匹也。吾得一人焉，曰諸葛孔明。孔明不僅循吏也。然治蜀者不嚴則奸不戢，不寬則情不孚。寬所以待士民，嚴所以待盜賊。昧者奈何不寬於士民而寬於盜賊，不嚴於盜賊而嚴於士民也乎。執中之經，武鄉爲弗可易已之三人。蓋蜀民所當萬世奉嘗者也。至於其鈎距也，若神明。其胸姬也，如父母。去則亂萌，來則亂弭。生則民喜，沒則民哀。其所謂古之遺愛者乎。吾得二人焉，曰張詠，趙抃。張方平史有微詞，而居心之厚，弭患之明。蘇氏之說不盡出於感恩，抑其次已。其餘德沛一州，惠洽一

蜀秀集

卷五

五

縣或名位未昌所施不遠或歲月不久成效未明或記載多缺遺績偶沒然皆軫恤民瘼壅植邦本不捨尅以進羨餘不賄賂以求遷轉不顛倒三尺以媚上官不咀嚼萬姓以肥私室况乎大儒名臣不少過化文人才子更多小試雖其迹不及數公之著而使吏皆如是則王李不煥於前鄢藍不變於後矣若夫章臯李德裕高駉之流能禦外侵高宗文安丙林俊彭澤之流能平內亂彊之循吏終覺不倫蓋捍外者成功於一時循吏則貽福於數世定內者救療於旣燼循吏則徙薪於未煬也然則羣蜚刺天而獨窳其拙蜀秀集

卷五

七

眾喙果腹而獨飲其清非蜀民之所沒世不忘者乎秦一人李冰漢二十一人文翁王襄廉范第五倫李膺張喬种暘王尊陳寵高耿張堪第五訪馮顥鄧寵常義楊仁王堂吳資但望朱辰趙溫蜀四人諸葛孔明董和衛閔何祇晉一人王濬南朶朝一人劉秀之隋三人韋仁壽梁毗何妥唐人高儉皇甫無逸姚璿陸象先顏真卿白居易沈長源何易于宋二十七人張詠趙抃蔣堂張方平文彥博韓琦周子石介呂大防范純仁張戢文同鮮于侁龔鼎臣張士遜彭乘張及程珦司馬池歐陽觀王益魏了翁吳昌裔何逢

源何耕孫於壽宋海明四人安郁李允簡何聰章文
煥

清三人李國英佟鳳彩劉清

國家滌蕩洪鑪沐浴膏液良吏輩出超軼前古茲特
舉其最著者殿之所以著循良之明效盜賊之秉彝
焉採掇未盡故不復詮次前後贊曰

金庭岷阜囿自人皇天獄辟陬厥土不王罷侯置吏
惟馬惟張治亂糾紛視吏否臧秦守神人功侔疏鑿
穿別鄆檢浸灌縣雒石壓天門笮跨井絡肩不至潦
足不至涸稷稻漠漠禾黍油油涸崖未剝山脇漂舟

蜀秀集

卷五

五

兵蘭照水影怖魚遊肝蠶禹鄉萬歲有秋崛起廬江
纘秦之緒開涌雲液戶湛膏乳分遣雋士俾澤於古
俗化文刻地成鄒魯禮殿有柱左右題名石室有堂
髦俊橫經辨星文叔凌雲長卿繼踵比肩彪炳漢京
刺史宣風眾席偃草聲歌胄子中和體道賓趨渝銳
式輕戢佻磬獲犍爲續出瑰寶赤街繁密譌火爲害
嘆酒雖奇畢方屢恠叔庶弛禁祝融戒退昔襦今袴
志其惠愛第五下車椽吏多肥豐贍悉遣孤貧受知
貨賕抑絕文職修治公才公望實始鏃基樹下風概
可懷可畏法合持衡條教懸魏奇珍玩好望門而諱

廉石開雲。食泉改味。赫赫益州。舉劾如山。百五十人。一筆所刪。是皆賊吏。狼狽窮姦。嘴距銛利。窟穴膠頑。狐媚鼠伏。狙伺鷲匿。刺戟肘腋。餽毒胷臆。廉緹未發。舍利變色。壯哉若人。氣吞鬼蜮。種公慷慨。宣恩未亂。遠夷雜落。慕德嚮漢。守鑄金蛇。權戚是獻。白簡磷岫。孤峭廉幹。邛崃按部。叱馭前驅。忠臣孝子。異道同趨。等天石穴。水峻山阻。無幽不到。溝瘠其蘇。司空初臨。豪右侈縱。吏猾民疲。焚膏聽訟。旌渙以賢。擢鐔於眾。雀角無爭。鼠牙息閑。永初回祿。精舍罹灾。陳留剖符。舒翁再來。增修廣祀。興賢育才。何如太學。鞠作蒿萊。

蜀秀集 卷五

君遊聖童。大振頽綱。討奸猛毅。惠下慈祥。乘惟折轅。裝僅布囊。清仁流譽。媲美漁陽。新都百里。伯魚之亞。隣邑歸心。況於部下。文表十年。寇恂許借。紅粟盈坻。青衿衍舍。未宰強項。抗辭劾守。訐上雖激。奉公何咎。一距之脫。萬口之厚。千載寥泝。孰繼其後。劉公奉法。大姓守理。茹柔病虐。吐剛誚靡。威稜飛霜。風裁颺起。子真伏罪。伯侯遠徙。立石誦德。愧詞實多。萬口所置。石在名磨。韋長去位。民泣以歌。祠宇芬苾。巫覡婆娑。胥役虎狼。礪齒磨牙。擇人而食。一飽百家。什加文雅。書聲滿衙。鴉化爲鸞。詩禮起家。敬伯在巴。達士舉孝。

巖黃巢征陳張疊耀閉閣臥治。晝諾坐嘯。世號知人。
風流彌劭。元約至誠。精格天人。豐稷屢獲。催科不聞。
風行清畝。雨潤芳塵。誰職輶軒。民謠盍陳。首秦尻楚。
脞瀆躡黔。控訴險遠。郵傳遲淹。捕盜莫及。察吏難兼。
不有伯闔。肯唾其饑。二江環帶。眾母之藏。攘蟹鼓刀。
辟踊悲愴。草木曲折。彷彿跌宕。元燕靈感。萬世無忘。
板楯忠勇。數世有功。日削月朘。塘斧蝟鋒。子柔安輯。
善戰稱雄。九穗連理。瑞錫蒼穹。巍巍武侯。亦領益牧。
相業無雙。吏焉近辱。要其治績。有蜀之獨。標揭圭臬。
以式有祿。蜀民浮躁。御之以嚴。蜀吏苞苴。弊之以廉。

蜀秀集

卷五

牛川州人

平令謗息。明使奸慝。驩虞不屑。熙皞羣胡。成都多貨。
限以軌制。新都。有塢。時其啟閉。治縣得董名湖。曰衛。
奢風遂除。普利永濟。特擢君肅。攝邨之缺。人不敢欺。
民胥以說。甫辭書佐。遽領符節。洪尙守官。嚴猶在列。
龍驤久蒞。薄賦輕徭。民不有男。育於府朝。受詔伐吳。
踴躍同袍。樓船直下。鐵鎖橫燒。始官黷貨。蓄積山齊。
劉公解組。羨俸忘齋。二百餘萬。留庫封題。冰操雪節。
映照嶠西。萬年寄治。越雋凋殘。池壁完葺。戎夏乂安。
龍州教授。箴勒門端。訟庭負笈。肺石彈冠。烏氏詭誠。
見金而泣。謂此何來。殺我將及。寒不可衣。飢不可食。

胡使爾曹上下相賊。縣歷有唐首四長史。維眈有孫
紹文績。李皇甫閉閣左右。齧指抽刀斷帶。廉斯止矣。
姚公擣發下無匿志。人清其身已清。其吏陸尙仁。恕
政成化易。峻法酷刑。畜鳴無忌。魯公轟烈名著平原。
晚墮巴西羣邪高竊。青材建學創始。銘恩離堆不泯。
偉績常存香山坦率。養民爲念庸調攤均。科條減濫。
看花種荔香濃酒釀於物有情於人何欠。憩隴歡歌
負途行詠知樂其生。愚安其合割雞小試。吳興之政
行周採風驅馬立聽。利州農時挽舟索卒益昌。偃僕
負纜腰笏。榨茶焚詔。駭心奇骨可之所記。生氣猶勃。

蜀秀集

卷五

五

乖崖方略水慄陸贄去而跳跟來復弭帖慈父之懷
巖師之懾安得斯人永清夔峽清獻簡易飲水盟心
馬首有鶴擔頭掛琴清齋晏坐埽地高吟和風四扇
春氣彌襟希文說行天下建學蔣公奮起鬢宮嶽嶽
妙簡官屬廣徵卓犖石經爭揚雕本精確樂全減賦
上下皆驚鐵錢亦免眾慶更生慎惜物力曲體人情
翹然特出扶器將傾蜀俗嬉遊遨頭張謙小民生計
終年取辦滌公風雅子京後殿豈曰賑饑斛才二萬
寶元歲歉流徙紛紜魏公創募配隸廂軍羅錢糶粟
饋粥殷勤劫掠不作餓殍無聞濂溪篤生天民之秀

理學詞章鬱爲時望。二何孫宋曰四賢。良繪像合食。禱祀雨暘。由宋迄今。謳思不忘。有子有孫。孰短孰長。從周積柴。引火自焚。甘雨如注。臥漬沄沄。昔苦無衣。今裘之煨。聿思仙尉。並號神君。漢安大旱。不減於蒲。李君剪爪。呼天毒痛。曰子有罪。灾集予躬。感應響捷。三日雨珠。何尉長壽。未脫笞箠。瑣瑣衙官。措施有幾。十年伏闕。哀求還仕。民戴之堅。渺視百紀。章君城陷。萬賊叢萃。民百身翼。死代君活。賊曰好官。悔殺之卒。賊尙有心。民何不達。太保撫蜀。千里蕭條。錦城荆棘。虎嘯狼嗥。伐樹獵獸。以居官僚。遺黎剝削。招輯則勞。

蜀秀集

卷五

又九

川月

井堙竈夷。江朔何有中。丞奏上。量水爲守。竹籠寶石。虹截灌口。江石不爛。公名不朽。劉公一紙。賢十從事。入賊中。膜拜墮淚。檻車。

廷訊。稱仁不置。得公數人。盜兵何自。地力旣盡。物產亦盈。生齒繁富。究懸滋萌。平無不陂。滿則必傾。我思古人。邦之金城。

屈處判州中都有舊惟道是行惟讒是媾闕道初疑
晚慙其陋嘉祐隆平嘉州安樂徂徠薄宦好善疾惡
四賢之援一奸之搏薑桂愈辣盡心民瘼微仲守府
政與民同訟皆立斷歲不言功愚宣轉運法抗熙豐
權衡利弊撫輯疲癯橫渠家法金堂不墮俸錢釀酒
父老雜坐子弟立侍有正無跛邈矣雲巖茲焉亦頗
與可蕭散政尙靜謐臺卓從容蒼黎暇逸放衙畫竹
長吟抱膝臨邛陵州今祠石室縣左積犴封內糜爛
筦鬻蔬果鞭撻薪炭鮮于福星傲然自岸埋鹿非奇
懸魚何贊巴渠渾噩太古蒙屯龔生赤手墾闢燕榛

蜀秀集

卷五

空

川白文堂

公車輜轄章甫璘珩視文雖小俗以歸馴張令射洪
涵濡未久得檄移邳民遮馬首聽便許還宋制之厚
朱邑桐鄉所見亦偶老彭普州實啟文教並儷鼎臣
二儀并耀張君決水涸田執拘前有易于異代同調
新法初行程公抗爭亦猶涑水漕輓廉平廬陵治獄
死尙求生臨川異政繁合流聲儼然伊洛溫國啟宇
蔚若承叔儻若介甫仁人有後我聞自古以勸來者
視此縣譜鶴山大濡造士通經創舉鄉飲賓射公庭
武備著績文藻流馨厥施不旣未覩中興眉學百年
惟蘇是尙吳公補之變而益上坡穎英特閩洛昭贖

譽若元黃。既分高卑。甫奠縣君。有並耕之說。天子謝首。出之貴穴。居野處。不隔於巍巍。攀領紱衣。日接於攘攘。五德以降。三代以前。庶務之繁。一人可以理之。肩髀之任。元首可以代之。渾噩漸遠。體制益嚴。金閭九重。赤子不能踣其一。露旒十二。黔首不能覲其杪。又黃圖寥廓。驪迹難周。白屋林總。螳萃實衆。鸞輅少時。巡之典。龍袞無清問之時。而欲使風流篤厚。禁網闊疏。家佩惠君。尸蒙慈父。則牧民之善政。其在實心之賢宰乎。是故分之。以符節。寵之以章綬。貪泉可酌。

蜀秀集

卷五

九

而飲也。而夙昔之清尚。無改焉。嘉樹可取而伐也。而生平之遺愛。未忘焉。誨其子。殖其疇。則擊轅以歌之。銘其恩。暴其德。則刊碣以永之。春秋六人。麟經著其梗概。循良一傳。馬史肇其權輿。此誠閭閻之保障。國家之屏翰也。蜀自鼈靈啟宇。杜主開基。黑水分疆。青黎辨壤。夏殷而上。九牧並尊。秦漢以來。三輔爲近。子淵持節。禺山耀金馬之光。世公賦政。滇池呈白鳥之瑞。三刀入夢。顯秩曾遷。一劍鑱天。勒銘可上。譬魚縱壑。頌聖主之得賢臣。叱馭臨危。豈忠君卽非孝子。其或遴選未精。委任失當。前修莫覩。混混嗟濁。沼之魚。

府記催科。誼誼驚吠門之犬。虜來尙可瞻尹就而心
悲。吏怒見尤。謗仲和而作詠。以及雍約懦鈍。杜俊貪
婪。朱哀以恣睢見誅。孟才以驕暴被逐。由是觀之。深
可慨矣。然而慎勤之吏。史不絕書。慈惠之師。境內相
望。白雲縹緲。指晦叔之旌旗。翠柏蕭森。想萊公之節
概。信昭胸忍。連理卽生。恩洽岩渠。九穗並見。或播名
立事。式鏡後人。或布德宣威。震懾遐裔。綜其治績。約
有數端。夫織室簇錦。被服都華。銅山參雲。鼓鑄甚易。
富而不教。馬牛徒飾。以襟裙陋而寡文。虎豹難假。其
炳蔚。縱巴將蜀。相代產莫奇。而馮叟嬰童。詎登軌物。

蜀秀集

卷五

五十一

上三十一 三十一

所賴宗工哲匠。拔雋攬奇。指引南車。耳提北面。本七
經爲教授。絳帳披風。啟三蜀之曠蒙。青天撥霧。於時
華岷秀氣。鬱爲魁儒。江漢精靈。鍾之甲族。風雅英逸
之士。命世挺生。傀偉倣儻。之儔比肩而進。騁碧雞之
雄辯。摘白鳳之宏詞。將使夏絃春誦。頤成齊魯之邦。
銳氣英風。盡洗巴渝之習。其教化有如此者。且板楯
七姓。以射虎爲業。西南諸酋。與貪狼無異。獯蛋蟻夷
之族。每窺伺乎邊陲。閩濮鳩獠之豪。時出沒於深箐。
郭昌西討。未盡殄夷。馮緄南征。猶資標悍。緩則眈其
鴟視。急則奮其螳臂。實逼處此。控制爲難。所賴才堪

撫遠智足清邊黃堂清坐嘯之風赤角靜彈棋之畫
卻貢珍而不御賜瑞錦以爲榮白馬氏羌胥教納款
黃龍清酒無盟誓言二豪相爭卽效張匡之和解一
心誠服無勞諸葛之擒縱遂令迎李翁之嗣夾道歡
呼送朱辰之喪鼓刀辟踊其綏輯有如此者至如河
渠之志莫先於堤防而井深爲後守令之責莫重於
水旱而刑名爲輕是以溪號路公埭名召伯叔敖灌
雩婁之野國僑正封洫之疆而況決渠降雨膏腴之
壤千畦舉插爲雲錦繡之圖百里非蓄豬有素何浸
沃能周猶幸地脈能知民功克懋殺羊摩之餘勢引
蜀秀集

卷五

五

象鼻以橫陳操刀則雖勝江神投石而魂驚水怪復
灘作堰燦鳥迹於岩腰引水溉田濠鴻流於湍口郵
繁露其膏液綿洛濱其支派青衣白木永慶安流涇
澤雲門載揚芳烈雖晉陵致葛洪之頌曾何足云卽
涇水穿鄭國之渠方此猶隘其澤潤有如此者又如
圓顛寡識爭競易生左衽雜居彈壓爲要畫獄木吏
豈能懾強悍之夫草纓菲履亦難行晚近之世故蜀
科創自伊籍以倣奸回楚撻矜於許慈用相震擣旋
至苛刻爲心鑄詰不已鞭笞過於盜賊榜掠降於盧
囚窮谷叩心欲陳寃而無地神京間隔空含怨以籲

天此酷吏所快心實仁人所不忍而乃探意立情原
心定罪邵煜核實部民得以再生韋公決囚死者可
以無恨雞谷羣盜斂迹遠颺豸圖罪人久繫亦鮮以
故萌夷壤接厖無吠野之聲鬼黠風移鼠少穿墉之
隙其廉明有如此者是皆並駕龔黃齊蹤召杜膏統
黍雨棠蔭仁風比王允之十奇邁魯恭之三異武都
若錢難鑒明府之冰心濯錦江波莫擬賢侯之潔望
者矣夫運翊炎精士衡頌其名世勢分鼎足彥伯贊
其勛臣紀南康郡王之功必待銘諸金石繪東方曼
倩之象豈從壽以丹青信先哲之芳型待後人之藻

蜀秀集 卷五

三五

節惟是純駁不齊鋪張匪易宋子京遺祠作贊表彰
者半屬鄉賢呂仲微傑閣垂箴臚列者不皆良吏爰
乃稽柱文披志乘摛鴻藻揚駿烈舉其最著者二十

人以爲之贊

秦蜀郡守李冰漢蜀郡太守文翁益州刺史王尊蜀郡太守張堪蜀郡太守弟

五倫蜀郡太守廉范蜀郡太守李膺益州刺史种暠
蜀郡太守高朕巴郡太守吳資隋卯州刺史柳儉唐
檢校南甯州都督韋仁壽劍南西州節度使李德裕
益昌令何易于宋刑部侍郎知益州張詠樞密直學
士知益州張逸龍圖閣學士知成都府趙鼎待講學
士知益州張方平四川置制使王剛中四川安撫置
制使余玠自昔守牧作帝股肱榮紆邦組專領名城堂懸
明鏡壺吐清冰宰旃載建熊軾聿憑眷彼蜀都是稱

天府郡置於秦州分自禹近倚嶠嶂遠連荆楚令宰

鴻軒良牧鳳舉桓桓李王典郡於始仰參乾象俯察
地理山鑿離堆碑刊誓水神鬼潛通材木坐取石琢
犀形堰瀨健尾蜀土堪畚江流不駛灌溉三郡膏潤
千里原隰龍鱗井塗雁齒富擅郊野稱爲陸海位號
疊加迄今靡已文公治蜀爲詩之最旣致康阜益深
培植激濁揚清有教無類慎選雋才遠詣博士緇帳
大啟青衿不刺髦俊鳧趨學徒鱗萃邛笮風蒸巴賈
化被伯仲鄒魯淵源洙泗揚馬嗣興李巖表異石室
長存金聲不匱子贛忠蓋跋涉遐方節持英蕩彩煥
繡裳治殊汲黯懦笑王陽塵揚馬首險歷羊腸懷來

蜀秀集

卷五

七

百濮讐慄諸羌崇規岳峙渙號雲翔示威示信令聞
令望狃鳥懷音蠻花吐香狀奏御展化贊賢王玉壘
載德金冊騰芳君游著績爲世所賢佐漢伐述入險
據關珍寶在庫貨賄積山守惟義慄心罔利牽視民
如子濟猛以寬仁足逮下威能懾奸都尉徵拜漁陽
遂遷去職之日口碑載傳囊盛布被車乘折轅掾述
舊政帝爲永歎卓哉伯魚英絕領袖始令宕渠繼遷
蜀守俗尙奢靡吏矜饒富乃去其貪乃拔其秀竿牘
漫行苞苴弗售鄭國歌僑河中借寇藻鑒惟精靈襟
無奢屢薦瑰材多縮華綬曹任以勝治功以懋號曰

知人庶幾不謬建初之中爰有叔度政喜作新令惟
革故厲俗成偷持法用恕既弛火禁咸安夜行閃閃
羊燈宵燄仍吐軌軋鴛機逸響遙赴子婦繅絲丁男
抱布昔怨單衣今襲重袴去後益思來時何暮樂利
霑民聲稱在路元禮氣節橫楮天下遠辭漢京出膺
民社紀綱是陳條教甚夥藻擷泮宮材儲大厦門競
登龍境無害馬令與颺馳澤同泉瀉淵淵之衷不爲
利揣皎皎之行不以暗墮儉素能安珍玩斯寡廉尙
共知霜情難寫景伯慷慨建功立事開曉殊俗恢拓
壯志白狼向風槃木慕義編髮諸部接踵繼至漢德

蜀秀集

卷五

卷

三十一

以宣蜀境以治金貽權臣賄賞計吏每上封章用儆
有位既劾曹騰並忤梁冀躬持風節行鮮趨避卒任
司徒英聲罔墜高繼文後宣敷雅教興廢起衰禮化
樂導拓宇精廬誅茆鄉校土木經營房櫳窈窕禮殿
肇開玉堂重耀蜀秀甄陶岷英舞蹈戶溢絃歌家誦
謨誥亦復下士升諸學教尊而愈謙簡而不傲克紹
前模永堪則效元約子諒治績崇高留心東作注念
西郊仁霑行葦雨潤良苗豐亨屢卜沴氣全消牧有
魚夢野無鴻嗷德洋恩普家裕戶饒壤擊黃髮巷歌
元勳車欲逝卧轍相邀徘徊道左帳望山椒感君

右相德樹西岷。滎陽張君。四至巴蜀。體下悉情。入境
諳俗。精明中含。幽隱外燭。禁極森嚴。刑無慘酷。始誅
騶長。遂伸冤獄。人畏其神。戶蒙其福。桑畦不雨。壅江
灌沃。茆屋啼飢。貸粟霑渥。化格鴟音。訟消雀角。異代
流丹。芳聲振玉。閣道懷清。風裁連蹠。匹馬就道。單車
入郭。愛人以德。奉己以約。禁嚴妖祀。罰止首惡。簡而
不繁。威而不虐。卒訓堂下。夷懾村落。荷帝之眷。求民
之瘼。因俗施化。告天何忤。放淮有龜。伴琴惟鶴。二郡
永懷。嶽猷如昨。英英安道。素推敏悟。玉殿班聯。錦城
節駐。上惑流言。兵發武庫。譯人用臬。羣庶無懼。西土

蜀秀集

卷五

九

又安南裔向慕。歛苦千家。爲之免賦。錢徵萬緡。爲之
減鑄。利所必興。害所必去。習習惠風。祁祁甘澍。繪象
招提。以永終譽。道亨謹飭。夙蘊經猷。檢身有度。駛吏
無尤。情僞畢達。法令亦修。不窒於暴。不玩於柔。功成
避賞。邈焉寡傳。任賢勿貳。嫉惡若仇。殿築舊址。池引
清流。芹香壁水。稻浸綠疇。石柱迹廢。堤柳陰稠。頌德
死既。邦人善謳。景彼義夫。兩川統律。弊政是除。宏綱
是挈。誅戮驕將。延攬壞傑。資糧積聚。藩衛周密。徙治
心勞。屯田利溢。練卒精強。俾民富實。薄賦沛恩。理財
有節。運船霧散。戍壘雲撤。驚埃塵清。狼烽影滅。寶慶

愷悌思君鬱陶賢哉道約器幹兼優宣猷廣漢移節
蓬州庭無奸吏獄鮮繫囚明能鑒遠惠亦旁周治行
蠶尾譽播螭頭岷藩薦鶚邛郡鳴騶恩孚蕃部德感
夷酋十年撫字四境蒙休抽簪歸里羸馬做裘清操
共仰令聲孰侔嶽嶽韋公坐鎮越雋望隆華裔威加
遠邇西洱巡行南夷延企拓地數圻觀兵四鄙大長
傾心名豪帖耳官以宰牧錫以青紫負隅無虎慕羶
有蟻每值還轅爭挽塵軌納賚輸珍貢藜獻雉衆口
交稱天顏有喜文饒專閫鴻伐聿宣完殘奮怯救弊
補偏城名仗義樓建籌邊部曲十一組練三千蠻險

蜀秀集

卷五

百

可扼蜀人以安吐番內附侵地外全撫綏南詔保惠
西川浮屠夙禁科約新懸窮檐待澤葑屋騰歡青簡
是煥翠砥孰鑄逸矣何侯蜚英下縣事必躬親勞以
身先刺史乘舟乃爲挽牽小民務農何忍獨晏善體
輿情愧彼時彥期免賦稅不惜死竄詔書竟焚長吏
弗譴晝日簾垂囹圄草蓐下考疊書異才莫薦三載
恪勤千秋稱羨復之才畧冠絕等倫卓識無蔽清鑒
不塵鎮竄以靜化賊爲民止訛術妙判牒辭新勸士
就舉詢黨知人風行偃草澤沛如春殄除莠類遏絕
妖氛深仁下沃異治上聞重臨犀浦渥荷龍綸秩隆

以來殊勲罕匹濟濟羣彥驥首亨衢操刀製錦剖竹
分符道爲民望行爲世模驂聯五馬展化雙鳧如彼
牧畜必求其芻如彼愛子必得其娛時代有異治行
無殊悠悠百世名擅八區

蜀秀集

卷五

三月三日浣花溪修禊序

鄧敏修

在昔南澗東堂結方軌於泰路華林疏圃啟令序之
宣游祈休吉蠲百疴酌羽觴以交酬獻遐壽於無極
容其凱邁蠲彼音塵靡不揚造化爲波瀾植理厲爲
根柢風騷斯擅體績亦工思紆繆以宥繇時而靜蕤
澹沲趣極夷曠境外踈促覓乎尚焉矧茲浪回錦水
坊臺碧雞鴻鴻一雙蒲稗數頃百花潭上金迷紙醉
之天萬里橋邊寶馬雕車之地循攷往迹抗矚幽遐
佳憩逶遲延賞祓飾匪傳簡楮奚永快遊浣花溪者
蜀都之勝區也爾其激臺平隘水眾四縣渚雞弄晨

蜀秀集

卷五

一頁
八百上

闌帟語夕林壑清其顧盼風雲蕩其懷抱洵水國之
幽棲乘侯之極賞也爰以上已芳節嘯傳命友出重
城而振策指芳原而散步時藪際沼輕爵託波仁風
導蘇句芒御昊萃聯幅舄之英引曠風塵之表時則
援翠林表踏青澗瀕昵鳧沙明拍燕汙遠柳魄定而
雨過萍風噓而水來暗潺接襟明黛滴袂竹意盪而
素壁皆淥藻痕映而流雲亦媽樹影人影時染空青
蒲枝荻枝交緯頑碧於是尋曲渚臨回溪矚徐徐發
款款瑤簧炙而微酣破珠箔卷而嫩寒生落絮搓絲
新荷狎獵鞭絲帽影偶雜露辭之香嵐氣江光能蕩

春鶯之態挹清芬而洗俗慮伸素契以樂同羣冠蓋
如雲笙歌終日鬪草辰良采蘭意遠迷偶咸洽適歌
中醉良覲嘉序致足樂矣然而叩景寓懷選奇觸賞
簪盍之勝無讓古人軫結所萌頗殊曩哲何則彼右
軍當日者神州未復江左偷安羶腥染於闕庭徵調
煩於吳會俯唏仰諷良足愴懷今則玉壘風清錦江
波定年年歌舞處處臺亭江邊之鷗鷺不驚劍外之
戈鋌永靖相與諮元覽宏遠謨警一息於千秋思異
軌而同轍犖犖乎淵淵乎必有證先憂後樂之心永
學問經綸之趣者又奚必憂心悼慄引諷蒼涼比劉

蜀秀集

卷五

五

川月三云

作荷鍾之狂同王尼露車之痛也哉所以披林消搖
藉草薜蒼盱目遐睎則雲日清朗抗音長嘯則風颭
烈發洵乃兼四美并二難極勝賞於琴尊縱沖襟於
霄漢者也與斯會者咸各有詩余因序之詮次如左

